

四庫全書薈要·乾隆御覽本

經部

春秋左傳注疏卷二十三

起宣公十二年  
盡十二年

晉杜氏注 唐陸德明音義 孔穎達疏

經十有二年春葬陳靈公注無傳賊討國復二十一月

然後得葬

楚子圍鄭注前年盟辰陵而又微事晉故音義

微古  
堯反

夏六月乙卯晉荀林父帥師及楚子戰于邲晉師敗績

注晉上軍成陳故書戰邲鄭地音義

邲扶必反一音  
弼陳音直覲反

疏

正義曰此一軍成陳兩軍不成陳成陳者雖少以戰為  
文案昭二十三年鷄父之戰六國成陳而楚不成陳成  
陳者多而以敗為文者六國雖衆楚為兵  
主楚既未陳故以獨敗為文與此異也

### 秋七月

冬十有二月戊寅楚子滅蕭注蕭宋附庸國十二月無

戊寅戊寅十一月九日疏

正義曰莊十二年宋萬弑閔公蕭叔大心者宋蕭邑之大

夫也平宋亂立桓公宋人嘉之以蕭邑封叔為附庸莊  
二十三年蕭叔朝公是其事也此年楚子滅蕭定十一  
年宋公之弟辰入于蕭以叛則此後復為宋邑也杜以  
長歷校之十二月無戊寅乃是十一月九日此不言月  
誤長歷云日月必有誤者案傳稱師人多寒若是  
十一月則今之九月未是寒時當月是而日誤也

晉人宋人衛人曹人同盟于清丘注晉衛背盟故大夫

稱人宋華椒承羣偽之言以誤其國宋雖有守信之善

而椒猶不免譏清丘衛地今在濮陽縣東南音義

背滿對反

下注

疏

正義曰傳云盟曰恤病討或陳或於楚而宋伐之衛救陳不討或也楚伐宋而晉衛不救不恤

病也是晉衛背盟故貶其大夫而稱人曹是小國貶與不貶俱當稱人故不言曹也明年傳稱君子曰清丘之盟唯宋可以免則宋不違盟而亦貶宋卿者彼晉衛曹並皆偽妄華椒承羣偽之言以誤其國致使宋為盟故伐陳衛人救之楚人討之伐陳怒楚被伐無救宋雖有守信之善而椒猶不免譏者為諸國失信而累及椒也晉衛不信乃在盟後非是心欲不信而妄作此盟當盟之時未有不信之狀在後違約不可豫知而亦并責椒

者君子結交當擇善而從之所與不善必將貶德椒與不信約盟則是不信之黨雖獨守信并亦貶之戒後之人使擇人也

宋師伐陳衛人救陳注背清丘之盟

傳十二年春楚子圍鄭旬有七日鄭人卜行成不吉

卜臨于大宮注臨哭也大宮鄭祖廟音義

臨力鶴反下注同大

宮音泰

疏

正義曰案雜記客致舍則訖請臨襄十二年傳吳子壽夢卒臨于周廟故云臨哭也

宮即廟也象其尊貌則謂之為廟言其墻屋則稱之為宮大宮宮之大者鄭祖廟者謂鄭大祖之廟也

且巷出車吉注出車於巷示將見遷不得安居國人

大臨守陴者皆哭注陴城上僻俛皆哭所以告楚窮

也音義

陴婢支反徐扶移反僻普計反俛五計反疏正義曰陴城上小牆僻俛者看視之名囊

六年晏弱圍萊堙之環城傅於堞注云堞女牆也又  
二十五年吳子門于巢巢牛臣隱於短牆以射之二  
十七年盧蒲癸攻崔氏崔氏堞其宮而守之注云堞  
短垣也陴堞僻俛短牆短垣女牆皆一物也說文云堞  
堞城上女垣也廣雅云陴俛女牆也釋名云城上垣  
曰陴於其孔中俛俛非常亦言陴益也助城之高也  
或曰女牆言其卑小比之於城如女子之於丈夫也

楚子退師鄭人脩城進復

圍之三月克之注哀其窮哭故為退師而猶不服故

復圍之九十日音義

復扶又反注同疏正義曰杜以  
故為于偽反三月克之謂

圍經三月方始克之故云九十日也知非季春克之者下云六月晉師救鄭及河聞鄭既及楚平桓子欲還是將欲至河鄭猶未敗至河聞敗猶欲還師在國聞敗師必不發若是季春克之不應比至六月而晉人不聞以此知三月非季春也經傳皆言春圍鄭不知圍以何月為始圍經旬有七日為之退師聞其修城乃復更進圍三月方始克之則從初以至於克凡經一百二十許日蓋以三月始圍至六月乃克也

入自皇門至于逵路注塗方九軌曰逵音義

逵求龜反爾雅

云九達謂之逵說文作廼云九達道似龜背故謂之廼逵或廼字

鄭伯肉袒牽羊以

逆注肉袒牽羊示服為臣僕音義

袒徒早反

曰孤不天注

不為天所祐音義

祐音又

不能事君使君懷怒以及敝

邑孤之罪也敢不唯命是聽其俘諸江南以實海濱  
亦唯命其翦以賜諸侯使臣妾之亦唯命注翦削也

音義

俘方夫反囚也  
音賓翦子淺反

若惠顧前好注楚鄭世有盟

誓之好音義

好呼報反注同

徼福於厲宣桓武不泯其社稷

注周厲王宣王鄭之所自出也鄭桓公武公始封之

賢君也願楚要福于此四君使社稷不滅泯猶滅也

音義

厲宣鄭桓公友周厲王之子宣王之母弟桓武  
鄭武公名滑突桓公之子泯彌忍反徐亡軫反

要於疏正義曰鄭桓公是周厲王之子宣王母弟又  
遙反宣王封之故僖二十四年及此皆厲宣並言



之桓公始封西鄭武公始居東鄭二公是始封之賢君若其存鄭則四君祐楚故願楚要福於此四君使社稷不滅泯滅也釋詁文使改事君夷於九縣注楚滅九國以為

縣願得比之音義

九縣莊六年滅鄆十四年滅息僖五年滅弦十二年滅黃二十六年

滅夔文四年滅江五年滅六滅蓼十六年滅庸傳稱楚武王克權使鬬緡尹之又稱文王縣申息此十一國不知何疏正義曰楚滅諸國見於傳者哀十七年以言九稱文王縣申息莊六年稱楚滅鄆十八

年稱武王克權僖五年滅弦十二年滅黃二十六年滅夔文四年滅江五年滅六又滅蓼十六年滅庸凡十一國見於傳僖二十八年傳曰漢陽諸姬楚實盡之則楚之滅國多矣言九縣者申息定是其二餘不知所謂蘇氏沈氏以權是小君之惠也孤之願也非國庸先屬楚自外為九也

所敢望也敢布腹心君實圖之左右曰不可許也得國無赦王曰其君能下人必能信用其民矣庸可幾

乎退三十里而許之平注退一舍以禮鄭音義

下避嫁反

幾音疏 正義曰庸用也幾讀如冀言用冀可冀幸而得之乎何必滅其國

潘尫入盟子

良出質注潘尫楚大夫子良鄭伯弟音義

尫烏黃反質音致

○夏六月晉師救鄭荀林父將中軍注代卻缺音義

將子匠反下及注並同下尹將將左將右皆倣此

先穀佐之注彘季代林父

音義

穀戶木反本又作殺音同彘直例反

疏

正義曰服虔云食采於彘或當然也文十二年河曲

之戰荀林父佐中軍史駢佐上軍樂盾將下軍自爾  
以來傳無其代知先穀代林父卻克代史駢趙朔代  
樂盾也八年傳趙朔佐下軍知樂書代趙朔也案傳  
文皆稱彘子今注云彘季者勘譜亦以彘子彘季為  
一人則杜君別有所據書傳殘缺不可得而知也劉  
炫云傳文皆稱彘子何以知是彘季以穀非彘季以  
規杜今知非者杜以子為男子之稱季是幼小之辭  
季之與子是得通稱子路或為季路舉其常稱謂之  
子論其字謂之季故公子友或稱季友而

士會將上

軍注河曲之役卻缺將上軍宣八年代趙盾為政將  
中軍士會代將上軍卻克佐之注卻缺之子代史駢

音義

史滋朱反  
駢滿達反

趙朔將下軍注代樂盾樂書佐之注

樂盾之子代趙朔趙括趙嬰齊為中軍大夫注括嬰

齊皆趙盾異母弟鞏朔趙穿為上軍大夫荀首趙同

為下軍大夫注荀首林父弟趙同趙嬰兄音義

鞏九勇反

韓厥為司馬注韓萬玄孫疏

正義曰韓世家云韓之先事晉得封韓原曰韓

武子後三世有韓厥世本云桓叔生子萬萬生求伯求伯生子與子與生獻子厥史記所云武子蓋韓萬也如彼二文厥是萬之曾孫而服虔杜預皆言厥韓萬玄孫不知何所據也

及河聞鄭既

及楚平桓子欲還曰無及於鄭而勦民焉用之注桓

子林父勦勞也音義

勦初交反徐又子小反焉於虔反

楚歸而動不

後注動兵伐鄭隨武子曰善注武子士會會聞用師

觀釁而動注釁罪也音義釁許斯反疏正義曰釁訓

間隙之名今人謂瓦裂龜裂皆為釁既有間隙故得為罪也德刑政事典禮不易

不可敵也不為是征注言征伐為有罪不為有禮音

義為于偽疏正義曰既言觀釁而動更說無釁之事

反注同德行政事典禮此六事行之不變易者不可與之敵也聖王之制征伐者為有罪者耳不為是六事不易行征伐也此舉六事之目下文歷說楚

不易六事楚君討鄭怒其貳而哀其卑叛而伐之服

而舍之德刑成矣伐叛刑也柔服德也二者立矣昔

歲入陳注討徵舒今茲入鄭民不罷勞君無怨讟注

讟謗也音義

罷音皮讟徒木反

疏

正義曰讟謗也政有常則民不恨故國君無人怨無

人謗擊鼓怨州吁鄭人謗子產是有怨謗也

政有經矣注經常也荆尸而

舉注荆楚也尸陳也楚武王始更為此陳法遂以為

名音義

此陳直觀反下同

商農工賈不敗其業而卒乘輯睦

注步曰卒車曰乘音義

賈音古卒子忽反注同乘繩證反注皆同輯音集又七八

反疏

正義曰齊語云公曰成民之事若何管子對曰四民者勿使雜處公曰處士工商農若何管子

對曰昔聖王之制也處士就閒燕處工就官府處商就市井處農就田野彼四民為士農工商此數亦四

無士而有賈者此武子意言舉兵動眾四者不敗其業發兵則以士從征不容復就閒燕故不云士而分商賈為二行曰商坐曰賈雖同是販賣而行坐異業發兵征伐四者悉皆不與故德云不貲其業也

事

不奸矣注奸犯也音義奸音干為教為宰擇楚國之令

典注宰令尹為教孫叔敖音義

為于疏正義曰周禮委反六卿大宰為

長遂以宰為上卿之號楚臣令尹為長故從他國論之謂令尹為宰楚國仍別有大宰之官但位任卑耳傳稱大宰伯州犇是也楚國名上卿為令尹者釋詁云令善也釋言云尹正也言用善人正此官也楚官多以尹為名皆取其正直也

軍行右轅左追尊注在車之右者挾

轅為戰備在左者追求草蓐為宿備傳曰令尹南轅

又曰改乘轅楚陳以轅為主音義

尊者辱扶胡牒反又古洽反一音古

協疏

正義曰司馬法兵車一乘有甲士三人步卒七十二人甲士在車不共卒役所言左右者分步

卒為左右也兵車一轅服馬夾之而言扶轅者步卒被分在右者當軍行之時又分之使在兩廂扶轅以為戰備楚陳以轅為主故以轅表車正是扶車履兵以備不虞也其應在左者使之追求草蔞令雖道求草不近兵車也蔞謂卧上之草故云為宿備也此是在道時然故云軍行右轅左追蔞至於對陳之時則各在車之左右故豫定左右之分在道分使之耳

前茅慮無注慮無如今軍

行前有斥候踰伏皆持以絳及白為幡見騎賊舉絳幡見步賊舉白幡備慮有無也茅明也或曰時楚以



茅為旌識音義

路徒臘反幡芳元反騎其寄反識申志反又音志

疏

正義曰茅明也

在前者明為思慮其所無之事恐其卒有非常當預告軍中兵衆使知而為之備也如今軍行謂當杜之時行軍有此法也前有斥候踰伏者令人遠在軍前斥度候望慮有伏兵使踰行之持以絳及白為幡與軍人為私號也曲禮曰前有水則載青旌前有塵埃則載鳴鳶前有車騎則載飛鴻前有士師則載虎皮前有擊獸則載貔貅其事與此見賊舉幡相似也茅明釋言文舍人曰茅昧之明也

中權後勁

注中軍制謀後以精兵為殿音義

勳吉政反殿丁練反

百官象

物而動軍政不戒而備注物猶類也戒勅令疏

正義曰類

謂旌旗畫物類也百官尊卑不同所建各有其物象其所建之物而行動軍之政教不待約勅號令而自

備辨也周禮大司馬中秋教治兵辨旗物之用王畿  
大常諸侯載旂軍吏載旗師都載旃鄉遂載物郊野  
載旄百官載旗鄭玄云軍吏諸軍帥也師都遂大夫  
也鄉遂鄉大夫也或載旃或載物衆屬軍吏無所將  
也郊謂鄉遂之州長縣正以下野謂公邑大夫載旄  
者以其將羨卒也百官卿大夫也載旗者以其屬衛  
王也凡旌旗有軍衆者畫異物無者帛而已是其尊  
卑所建各有物類也案春官司常職云及國之大閱  
贊司馬頒旗物王建大常諸侯建旂孤卿建旒大夫  
士建物師都建旗州里建旗縣鄙建旒道車載旌旒  
車建旌俱是周禮而所建不同者大司馬所云中秋  
教治兵之法司常所云中冬教大閱之法鄭玄云凡  
頒旗物以出軍之旗則如秋以尊卑之常建則如冬  
大閱備軍禮旌旗不如出軍時空辟實也是為時不  
同故所建異此云象物而動謂  
軍行之時當指治兵之法也

能用典矣其君之舉

也內姓選於親外姓選於舊注言親疎並用舉不失

德賞不失勞老有加惠注賜老則不計勞旅有施舍

注旅客來者施之以惠舍不勞役疏

正義曰內姓謂同姓也其君之

舉用人也於同姓則選之於親於外姓則選之於舊於親內選賢言唯賢是任不以親以舊便即用之所舉不失有德所賞不失有勞必有德乃舉有勞乃賞言不賞無勞不舉無德臣民年老有加贈恩惠外來旅客有施舍常法謂羈旅之臣以其新來施以恩惠舍不勞役也注正義曰老有恩惠當謂年老有加增恩惠不論有勞與無勞也劉炫云老者當有恩惠之賜非勞役之限但恩惠則賞賜之以文連賞不失勞之下故杜云賜老則不計勞劉炫以

不計勞之文而規杜氏一何煩碎

以君子小人物有

服章注尊卑別也音義

別彼列反

貴有常尊賤有等威注

威儀有等差音義

差初佳反又初宜反

疏

正義曰言貴有常尊則當云賤有常卑而

云賤有等威者威儀等差又兼貴賤既屬禮不逆矣

德立刑行政成事時典從禮順若之何敵之疏

正義曰功

德若其不立刑威若其不行政以成就為上事以得時為善典貴其從禮惡其逆故云德立刑行政成事時典從禮順各以義理相配為文皆不易之事既歷序此事乃云若之何敵之覆上德刑政事典禮不易不可見可而進知難而退軍之善政也兼弱攻昧武敵也

之善經也注昧昏亂經法也音義

昧音妹

子姑整軍而

經武乎注姑且也猶有弱而昧者何必楚仲虺有言

曰取亂侮亡兼弱也注仲虺湯左相薛之祖奚仲之

後音義

虺許鬼反侮亡  
呂反相息亮反疏正義曰取亂侮亡尚書仲

宰曰薛之皇祖奚仲居薛以為夏車正仲虺居薛  
以為湯左相二人皆是薛祖是仲虺為奚仲之後洵

曰於鑠王師導養時晦注洵詩頌篇名鑠美也言美

武王能遵天之道須暗昧者惡積而後取之音義

洵章

畧反於音烏

疏

正義曰洵詩經無洵字序云言能洵  
先祖之道以養天下故以洵為名焉

鑠舒若反

鑠美釋詁文於嘆辭也時是也晦昧也言於乎美哉  
武王之用師也能遵天之道養是闇昧之君待闇昧

者惡積而後取之言遵天之道者上天誅紂者昧也  
之期未至武王靜以待之是其遵天之道也

注者致也致討於昧音義

者音旨徐其夷反老也注及下同

疏

正義曰者

音旨旨致聲相近故為致也致討於昧者言養之使  
昧然後可討之上句云兼弱攻昧引仲虺之言以證  
兼弱引武王之事以證攻昧此不云攻昧而言者昧  
者以洵詩之意言養紂而不言伐紂不得謂之攻昧  
故緣詩之意言致武曰無競惟烈注武詩頌篇名烈  
之於昧然後攻之

業也言武王兼弱攻昧故成無疆之業音義

疆居良反

疏

正義曰烈業也釋詁文競疆也詩意言無疆乎唯武  
王之功業言克商功業實無疆也此引武詩承兼弱  
攻昧之下故杜以傳意解之言武王兼弱攻昧故成  
此無疆之業此詩洵武二篇並無兼弱之事因傳上

文連言之撫弱者昧以務烈所可也注言當務從武王之

功業撫而取之音義

以務烈所絕句

疏

正義曰上言撫弱此云撫弱言其撫養而

取之未必皆攻伐以求之也此撫弱即覆上仲虺有言撫弱也耆昧即覆上洵曰於鑠王師耆昧也以務烈所覆上武曰無競惟烈士會言不須敵楚無撫餘諸侯弱者致討諸侯昧者以務武王烈業之所可也

彘子曰不可注彘子先穀晉所以霸師武臣力也今

失諸侯不可謂力有敵而不從不可謂武由我失霸

不如死且成師以出聞敵彊而退非夫也注非丈夫

命為軍帥而卒以非夫唯羣子能我弗為也以中軍

佐濟注佐彘子所帥也濟渡河音義

帥所類反下及注有帥元帥三

帥疏正義曰言晉之所以得為霸主者由軍師之武

謂之為力見敵不能從不可謂之為武命為軍帥者

三軍將佐皆受君命為軍之主帥以中軍佐濟謂一

軍之內將佐分之各有所帥故注云佐彘子所知莊

帥也倍二十八年胥臣以下軍之佐與此同也

子曰此師殆哉注莊子荀首音義

知音

周易有之在

師三三注坎下坤上師之臨三三注兌下坤上臨師

初六變而之臨疏

正義曰師坎為水坤為眾眾行如水師出之象故名其卦為師服虔

云坎為水坤為眾又互體震震為雷雷鼓類又為長

子長子帥眾鳴鼓巡水而行行師之象也臨兌為澤



坤為地居地而附視於澤臨下之義故名為臨 曰師出以律否臧凶注此師

卦初六爻辭律法否不也音義臧子即反執事順成為臧

逆為否注今彘子逆命不順成故應否臧之凶音義

應應對之應 衆散為弱注坎為衆今變為兌兌柔弱疏正義

曰晉語文公筮尚有晉國司空季子占之曰震雷也車也坎水也衆也主雷與車而尚水與衆是坎為衆也易說卦兌為少女故為柔弱衆聚則強散則弱坎變為兌是衆散為弱也 川壅為澤注

坎為川今變為兌兌為澤是川見壅音義壅於勇反本又作雍

注昏 疏正義曰說卦坎為溝瀆溝瀆即是川也說卦兌為澤川是流水今變為澤是川見壅也

有律以如已也注如從也法行則人從法法敗則法

從人坎為法象今為衆則散為川則壅是失法之用

從人之象疏

正義曰釋詁云如往也往是相從之義故訓為從也法行則人從之率人以從

法也法敗則法從人人各有心非法不用法從人也釋言云坎律銓也樊光曰坎卦水也水性平律亦平銓亦平也郭璞曰易坎卦主法法律皆所以銓量輕重是坎為法象也今坎變為兌為衆則散而為弱為川則壅而為澤是失法之所用法敗從人之象也

故曰律否臧且律竭也注

竭敗也坎變為兌是法敗疏

正義曰竭是水涸之名坎為水為法水之竭似

法之敗故云竭敗也坎變為兌則為水不盈而以竭流則為法不行失為坎之用是法敗之象

天且不整所以凶也注水遇天塞不得整流則竭涸

也音義

天於表反疏正義曰哀九年傳曰如川之滿不可游也水當盈川而以壅故竭是水遇

天塞不得整流則竭涸也天過是壅塞之義故云遇天塞也

不行之謂臨注水變

為澤乃成臨卦釋不行之物有帥而不從臨孰甚焉

此之謂矣注譬彘子之違命亦不可行果遇必敗注

遇敵彘子尸之注主此禍疏

正義曰釋言訓尸為主故云主此禍也服虔亦

云此禍也又引易師卦六五長子帥師弟子與尸凶長子帥師以中行也弟子與尸使不當也佐之於元帥弟子也而專以師濟使不當也軍必破敗而與尸案下句云雖免而歸則謂彘子當在陳而免師卦有

與尸之語其言尸之或容有此意  
但尸字不可兩解故杜畧去之

雖免而歸必有大

咎注為明年晉殺先穀傳音義

咎其疏正義曰莊子  
九反見莊子逆命

必當有過乃論其事云此師之行甚危殆哉周易之  
書而有此事師之初六變而為臨初六爻辭云軍師  
之出當須以法若不善則致其凶既引易文以人從  
律令者師出乃以律從人則有不臧之凶又覆解不  
臧之義云執事上下相順和成則為臧若相違逆則  
為不臧既釋不臧之事又釋以律之意坎為眾今變  
為兌兌為柔弱是眾散為弱坎為川今變為兌兌為  
澤是川壅為澤坎為法象今為眾則弱為川則壅是  
法律破壞從人之象故曰律否臧以釋易爻律否臧  
之義否臧易注云為師之始齊師者也齊眾以律失  
律則散故師出以律律不可失失律而臧何異於否  
失令有功法所不赦故師出不以律否臧皆凶釋否

賊既了又釋凶之一字故云且律竭言法律竭盡也  
川水當盈而以竭盡且又被天塞不得整流以法當  
展整而以破壞被人違逆不得施行所以致此凶禍  
解釋凶義既了以盡易意然後論彘子之惡當此初  
六之禍故云水之不行是謂臨矣彘子有帥不從欲  
論不行之臨事誰甚於彘子周易所言是彘子之謂  
若能違辟前敵於事猶可若果敢遇敵必致禍敗也  
此禍敗之事彘子主受之雖在敵免死而歸必大咎

也

韓獻子謂桓子注獻子韓厥曰彘子以偏師陷子

罪大矣子為元帥師不用命誰之罪也失屬亡師為

罪已重不如進也注今鄭屬楚故曰失屬彘子以偏

師陷故曰亡師音義

令力呈反

事之不捷惡有所分注捷

成也與其專罪六人同之不猶愈乎注三軍皆敗則

六卿同罪不得獨責元帥師遂濟楚子北師次於邲

注邲鄭北地音義

邲音廷

沈尹將中軍注沈或作寢寢

縣也今汝陰固始縣音義

沈音審

疏

正義曰楚官多名為尹沈者或是邑

名而其字或作寢哀十八年有寢尹吳山于因解寢為縣名不言寢是而沈非也

子重將左

子反將右將飲馬於河而歸注子反公子側音義

飲於

鳩反聞晉師既濟王欲還嬖人伍參欲戰注參伍奢之

祖父音義

雙必計反徐甫詣反字林方鼓反參七南反

令尹孫叔敖弗欲

曰昔歲入陳今茲入鄭不無事矣戰而不捷參之肉其足食乎參曰若事之捷孫叔為無謀矣不捷參之肉將在晉軍可得食乎令尹南轅反旆注迴車南鄉

旆軍前大旗音義

旆蒲貝反鄉本又作嚮同許亮反

伍參言於王曰

晉之從政者新未能行令其佐先穀剛愎不仁未肯

用命注愎狠也音義

愎皮逼反狠胡壑反

其三帥者專行不獲

注欲專其所行而不得聽而無上衆誰適從注聽虘

子趙同趙括則為軍無上令衆不知所從音義

適丁歷反

此行也晉師必敗且君而逃臣若社稷何王病之告

令尹改乘轅而北之次于管以待之疏

正義曰土地名滎陽京縣

東北有管城古管國也

晉師在敖郟之間注滎陽京縣東北有

管城敖郟二山在滎陽縣西北音義

乘繩證反管古緩反管城管叔

所封也本或作管古顏反非也放五刀反郟苦交反

鄭皇成使如晉師曰鄭之

從楚社稷之故也未有貳心楚師驟勝而驕其師老

矣而不設備子擊之鄭師為承注承繼也音義

皇戌雖律

反使所吏反驟仕救反

楚師必敗彘子曰敗楚服鄭於此在矣



必許之樂武子曰注武子樂書音義

敗必  
邁反

楚自克庸

以來注在文十六年其君無日不討國人而訓之注

討治也于民生之不易禍至之無日戒懼之不可以

怠注于曰也音義

易以  
敗反

在軍無日不討軍實而申儆

之注軍實軍器音義

儆敬  
領反

于勝之不可保紂之百克

而卒無後訓之以若敖蚘冒軍路藍縷以啓山林注

若敖蚘冒皆楚之先君軍路柴車藍縷敝衣言此二

君勤儉以啓土音義

紂直九反蚘扶粉反冒莫報反  
軍音必藍力甘反縷力主反

疏

正義曰楚世家云熊弔卒子熊儀立是為若敖若敖卒子霄敖立霄敖卒子熊眇立是為蚡冒蚡冒

卒弟熊通立是為楚武王案杜注文十六年傳蚡冒

楚武王父不從史記也以荆竹織門謂之篳門則篳

路亦以荆竹編車故謂篳路為柴車方言云楚謂凡

人貧衣破醜敝為藍縷藍縷謂敝衣也服皮云言其

縷破藍

藍然

歲之曰民生在勤勤則不匱不可謂驕注歲

誠音義

歲章金反  
匱其位反

先大夫子犯有言曰師直為壯曲

為老我則不德而徼怨于楚我曲楚直不可謂老注

不德謂以力爭諸侯徼要也音義

要一反  
通反

其君之戎分

為二廣注君之親兵音義

廣古曠反  
及注皆同

廣有一卒卒

偏之兩注十五乘為一廣司馬法百人為卒二十五

人為兩車十五乘為大偏今廣十五乘亦用舊偏法

復以二十五人為承副疏

正義曰兩廣之別各有一卒之兵百人也一卒之外

復有十五乘之偏并二十五人之兩既言一卒又云

卒偏之兩言卒之者成辭婉句耳或解云兩屬於偏

云偏之兩者謂偏家之兩知不然者案成七年以兩

之一卒亦云之字豈又是兩家之卒且杜注云十五

乘為大偏今楚亦用舊偏法此一廣之中實有此偏

非是偏名為兩而出一卒別有偏之一兩二十五人

從之劉炫云兩廣之別各有一卒百人一卒外復有

偏之一兩二十五人兵法十五乘為偏偏有一兩從

之兩是偏家之物故謂此為偏之兩其實一廣十五

乘有一百二十五人從之注正義曰下云楚子為乘

廣三十乘分為左右知十五乘為一廣也史記稱齊景公時有司馬田穰苴善用兵至六國時齊威王使大夫追論古者司馬兵法附穰苴於其中凡一百五十篇疏曰司馬法百人為卒二十五人為兩十五乘為偏昏司馬法之文百人為卒二十五人為兩周禮亦有此文但周禮無偏故杜并引司馬法耳此云大偏對成七年九乘為小偏故此為大偏也桓五年二十五乘為偏戰時臨陳所用不同不可與此相對為大小杜注多少皆望文也言亦用舊偏法者謂楚雖荆尸而舉仍用舊偏舊於穰苴前已有別應周禮有又但以亡沒者多故禮文不具

**右廣初駕數及日中左則受之以至**

**于昏內官序當其夜注內官近官序次也音義**

序當其夜

一本作序

**疏**

正義曰右廣鷄鳴初駕數及日中則左廣受而代之以至於昏此晝日事也其

內官親近王者為次序以當其夜若今宿直遞持更也

以待不虞不可謂無備

子良鄭之良也師叔楚之崇也注師叔潘虺為楚人

所崇貴師叔入盟子良在楚楚鄭親矣來勸我戰我

克則來不克遂往以我卜也鄭不可從疏

正義曰將我晉戚之

勝負卜其遂來遂往猶人揲著看卦善惡而卜其去之與往也

趙括趙同曰率師以

來唯敵是求克敵得屬又何俟必從彘子注得屬服

鄭知季曰原屏咎之徒也注知季莊子也原趙同屏

趙括徒黨也音義

知季音智荀首後為智氏屏步丁反

趙莊子曰欒伯

善哉注莊子趙朔欒伯武子實其言必長晉國注實

猶克也言欒書之身行能克此言則當執晉國之政

也音義

長徐丁丈反  
行下孟反

楚少宰如晉師注少宰官名音

義

少詩照反  
注及下同

曰寡君少遭閔凶不能文注閔憂也聞

二先君之出入此行也注二先君楚成王穆王疏

正義

曰莊十六年楚始伐鄭文王之世也二十八年子元  
伐鄭成王之初也僖五年首止之會鄭伯逃歸自是  
以後鄭始時復從楚成王以前鄭未屬楚故出入此  
行唯成穆耳今之莊王成王孫穆王子出入此行猶  
往來將鄭是訓定豈敢求罪于晉二三子無淹久注  
於鄭

淹留也隨季對曰昔平王命我先君文侯曰與鄭夾

輔周室毋廢王命今鄭不率注率遵也音義

夾古洽反舊古

協反母音無

寡君使羣臣問諸鄭豈敢辱候人注候人謂

伺候望敵者音義

候音戶豆反伺音司又音息嗣反

敢拜君命之辱

燕子以為詔使趙括從而更之曰行人失辭注言誤

對音義

詢勅檢反

寡君使羣臣遷大國之迹於鄭注遷徙

也曰無辟敵羣臣無所逃命楚子又使求成于晉晉人許之盟有日矣注有期日楚許伯御樂伯攝叔為

右以致晉師注單車挑戰又示不欲崇和以疑晉之

羣帥音義

單音丹挑徒了反下文同帥所類反

疏

正義曰周禮環人掌致師鄭玄云致師致

其必戰之志則致師者致已欲戰之慮於敵人故單車揚威武以挑之下云趙旃請挑戰是也挑彼晉師故言以致晉師也楚子既求成而又令挑戰示其不欲崇和以疑誤晉之羣帥

許伯曰吾聞

致師者御靡旌摩壘而還注靡旌驅疾也摩近也音

義

摩末多反壘力軌反近附近之近

樂伯曰吾聞致師者左射以散

注左車左也散天之善者音義

射食亦反下注音同散側留反

疏

正義

曰兵車自非元帥皆射者在左御在中央故云左車左樂伯居左故稱左也下云莊子抽矢散納諸厨子



之房選好夫而留之  
知蔽是天之善者

代御執轡御下兩馬掉鞅而還

注兩飾也掉正也示閒暇音義

兩馬徐云或作柄皆力字反或音亮掉徒

弔反徐乃較反鞅

疏

正義曰兩飾掉正皆無明訓服皮亦云是相傳為然也飾馬者

謂隨宜刷刮馬又

攝叔曰吾聞致師者右入壘折馘

注折馘斷耳音義

折之設反注同馘右獲反斷音短

執俘而還皆行

其所聞而復晉人逐之左右角之注張兩角從旁夾

攻之樂伯左射馬而右射人角不能進矢一而已麋

興於前射麋麗龜注麗著也龜背之隆高當心音義

麋亡懸反 疏 正義曰易雜卦象云離麗也日月離乎  
著直畧反 天百穀草木麗乎土是麗為著之義龜

之形背高而前後下此射麋麗龜謂著其高處故杜  
以龜為背之隆高當心者服虔亦然相傳為此說

也 晉鮑癸當其後使攝叔奉麋獻焉曰以歲之非時

獻禽之未至敢膳諸從者音義 從才用反 疏 正義曰  
下從者同 周禮獸

人冬獻狼夏獻麋春秋獻獸物者謂獻之以共王之  
膳耳非能徧及於百官也禮冬獵曰狩言圍守而取  
之獲禽多也於時虞人所獻或頌及羣臣故  
言歲之非時獻獸之未至以為語之辭耳 鮑癸止

之曰其左善射其右有辭君子也既免注止不復逐

晉魏錡求公族未得注錡魏犢子欲為公族大夫音

義

錡魚綺反  
鞞尺周反

疏

正義曰服虔亦以為鞞子世本以為鞞孫世本多誤未必然也

而怒

欲敗晉師請致師弗許請使許之遂往請戰而還楚

潘黨逐之及熒澤見六麋射一麋以顧獻曰子有軍

事獸人無乃不給於鮮敢獻於從者注熒澤在熒陽

縣東新殺為鮮見六得一言其不如楚音義

敗必邁  
反又如

字使所吏反熒戶局反  
射食亦反鮮音仙注同

叔黨命去之注叔黨潘黨潘

旭之子趙旃求卿未得注旃趙穿子且怒於失楚之

致師者請挑戰弗許請召盟許之與魏錡皆命而往

卻獻子曰二憾往矣注獻子卻克音義  
憾胡反弗備必

敗彘子曰鄭人勸戰弗敢從也楚人求成弗能好也

師無成命多備何為士季曰備之善若二子怒楚楚

人乘我喪師無日矣注乘猶登也音義  
好呼報反下同喪息浪反

不如備之楚之無惡除備而盟何損於好若以惡來

有備不敗且雖諸侯相見軍衛不徹警也注徹去也

音義  
警音景去起呂反彘子不可注不肯設備士季使鞏朔

韓穿帥七覆于敖前注帥將也覆為伏兵七處音義

覆扶又反注同帥如字  
將子匠反處昌慮反

故上軍不敗趙嬰齊使其徒

先具舟于河故敗而先濟潘黨既逐魏錡注言魏錡

見逐而退趙旃夜至於楚軍注二人雖俱受命而行

不相隨趙旃在後至席於軍門之外使其徒入之注

布席坐示無所畏也疏

正義曰使已從人  
入壘以取俘馘也

楚子為乘

廣三十乘分為左右右廣雞鳴而駕日中而說注說

舍也音義

乘繩證反下三十乘十乘并  
注皆同說舒銳反注及下同

左則受之日

入而說許偃御右廣養由基為右彭名御左廣屈蕩

為右注楚王更迭載之故各有御右音義

屈居勿反更音庚迭

直結反

乙卯王乘左廣以逐趙旃趙旃棄車而走林屈

蕩搏之得其甲裳注下曰裳音義

搏音博

晉人懼二子

之怒楚師也使輶車迎之注輶車兵車名音義

輶徒温反

疏

正義曰襄十一年鄭人賂晉侯以廣車輶車淳十五乘甲兵備甲兵從之是兵車明矣鄭玄云廣車

橫陳之車服虔云輶車屯守之車古名難得而知其義或當然矣

潘黨望其塵使騁

而告曰晉師至矣楚人亦懼王之入晉軍也遂出陳

孫叔曰進之寧我薄人無人薄我詩云元戎十乘以

先啓行先人也注元戎戎車在前也詩小雅言王者

軍行必有戎車十乘在前開道先人為備音義

景反

陳直觀反下注皆同先

疏

正義曰元大也戎車也詩小雅六月之篇言王者軍

行必有大車十乘常在軍前以開道諸軍從行所以

先人為備也詩毛傳云夏后氏曰鉤車先正也殷曰

寅車先疾也周曰元戎先良也三代行軍皆前有此

車其名司馬法之文也其先正先疾先良毛解其名

鄭玄又釋其意鉤車備設鉤鞅其行曲直有正故曰

先正寅進也此車能進取遠道故曰先疾元戎大車

之善者故

軍志曰先人有奪人之心薄之也注奪敵

曰先良也

戰心遂疾進師車馳卒奔乘晉軍桓子不知所為鼓

於軍中曰先濟者有賞中軍下軍爭舟舟中之指可

掬也注兩手曰掬音義

卒子忽反下及注並同掬九六反

晉師右移

上軍未動注言餘軍皆移去唯上軍在經所以書戰

言猶有陳疏

正義曰晉之三軍上軍在左中軍在中下軍在右言晉之中軍下軍敗走在上

軍之右者皆移唯上軍未動故杜云餘軍皆移去唯上軍在

工尹齊將右拒卒以

逐下軍注工尹齊楚大夫右拒陳名音義

拒音矩本亦作

矩下

楚子使唐狡與蔡鳩居告唐惠侯注二子楚大

夫唐屬楚之小國義陽安昌縣東南有上唐鄉音義



狻古疏正義曰此未戰之前告經不書  
卯反唐侯者為楚私屬故不見也

曰不穀不德

而貪以遇大敵不穀之罪也然楚不克君之羞也敢

藉君靈以濟楚師注藉猶假借也使潘黨率游闕四

十乘注游車補闕者音義

乘繩證反下之

疏

正義曰周禮車

僕有闕車之伴鄭玄云闕車所用補闕之車也此言游闕知游車以擬補闕今使從唐侯是補闕也

從唐侯以為左拒以從上軍駒伯曰待諸乎注駒伯卻

克上軍佐也隨季曰楚師方壯若萃於我吾師必盡

注萃聚也音義

萃似

不如收而去之分謗生民不亦

可乎注同奔為分謗不戰為生民殿其卒而退不敗

注以其所將卒為軍後殿音義

殿多練反注同

王見右廣將

從之乘屈蕩戶之曰君以此始亦必以終注戶止軍

中易乘則恐軍人惑自是楚之乘廣先左注以乘左

得勝故疏

正義曰桓八年傳云楚人尚左君必左者謂置車尚左故君在左此言先左謂乘廣

先左耳上文且云右廣初駕日中乃授左廣則舊法先乘右廣今楚王偶然乘左車以逐趙旃因是而得戰勝以為宜乘左廣自是以後

乘廣先左以乘左得勝故也

晉人或以廣隊不能

進注廣兵車音義

隊直類反

注

正義曰襄十一年鄭人賂晉侯以廣車定四年史皇

以乘廣死是兵車稱廣也此言晉人廣隊下云拔旆  
 投衝軍行則旆在軍前不是車皆有旆也此蓋是晉  
 人在軍之前  
**楚人甚之脫局注** 甚教也局車上兵闌

**音義** 悉其器反局古熒反徐公冥反服云局橫木投  
 輪間一曰車前橫木也西京賦云旗不脫局薛

綜云局所**疏** 正義曰脫局拔旆皆是教人之語知悉  
 以止旗也為教也服虔云局橫木有橫木投於輪

間一曰局車前橫木張衡西京賦云旗不脫局薛綜  
 注云局所以止旗今杜以局為車上兵闌各以意言

皆無明證而禮扛鼎之木其名曰局則局是橫木之  
 名教之脫局則局是可脫之物杜云兵闌蓋橫木車

前以約車上之兵器慮其落也  
**少進馬還又甚之拔**

隊坑則橫木有礙故不能進

**旆投衝乃出注** 還便旋不進旆大旗也拔旗投衝上

使不帆風差輕音義

帆凡劔反本又作把  
昔霸反差初音反

疏

正義曰  
疏正義曰  
旆扇風

重故馬便旋而不能進釋文云縮廣克幅長尋曰旆  
繼旆曰旆郭璞云帛績旆末為燕尾者此旆能扇風  
使重令馬不能進則其制必大矣故云旆大旗也城  
濮之役亡大旆之左旆此之類也旆懸於竿挿之車  
上衡是馬頸上橫木故拔取旗竿投於衡上仆之使  
不帆風則於車差輕故得出坑也帆是扇風之名今  
人舡上張布以  
鄣風名之曰帆

顧曰吾不如大國之數奔也趙旃以  
其良馬二濟其兄與叔父以他馬反遇敵不能去棄

車而走林逢大夫與其二子乘注逢氏音義

數所角  
反乘繩

證謂其二子無顧注不欲見趙旃顧曰趙叟在後注

傻老稱也音義傻素口反怒之使下指木曰尸女於

是授趙旃綏以免明日以表尸之注表所指木取其

尸音義女音汝皆重獲在木下注兄弟累尸而死音義

重直疏正義曰獲者被殺之名並皆被殺唯當言皆

隕反獲耳欲見尸相重累之皆獲故杜辯之云兄弟累尸而死累楚熊負羈囚知瑩知莊子以其族反

之注負羈楚大夫知瑩知莊子之子族家兵反還戰

音義瑩於耕反還音環厨武子御注武子魏錡音義厨直下

軍之士多從之注知莊子下軍大夫故每射抽矢蔽

誅反

納諸厨子之房注抽擢也敢好箭房箭舍音義

射食夜反

又食亦反擢直角反

厨子怒曰非子之求而蒲之愛注蒲楊柳

可以為箭董澤之蒲可勝既乎注董澤澤名河東聞

喜縣東北有董池陂既盡也音義

勝音升陂彼宜反

疏

正義曰重

物不可舉者謂之不勝用之不可盡者亦言不勝史傳多有其事今人無復此語故少難解耳既盡也可勝盡乎言用之不可盡也知季曰不以人子吾子其可得乎吾不

可以苟射故也音義

射食亦反下同

疏

正義曰言我不以好箭射楚貴人之子而

質之吾之子其可得乎吾為此計者不可用惡箭苟且為射故也

射連尹襄老獲之

遂載其尸射公子穀臣囚之以二者還注穀臣楚王

子及昏楚師軍於邲晉之餘師不能軍注不能成營

也宵濟亦終夜有聲注言其兵衆將不能用音義

子將

反匠丙辰楚重至於邲注重輜重也音義

重直勇反又直用反注上

重字同輜側其反重也直用反

疏

正義曰輜重載物之車也說文云輜一名輶前後蔽也蔽前後以載

物謂之輜車載物必重謂之重車人挽以行謂之輦輜重輦一物也襄十年傳稱秦董父輦重如後挽此車也輜重載器物糧食常在軍後故乙卯日戰丙辰始至於邲也周禮鄉師大軍旅會同正治其徒役與其輦輦鄭玄云輦駕馬輦人挽行所以載什器也止以為藩營司馬法云夏后氏謂輦曰余車殷曰胡奴

車周曰輻輳一斧一斤一鑿一捭一鋤周輳加二  
版二槩又曰夏后氏二十人而輳股十八人而輳周  
十五人而輳說者以為夏出師不踰時股  
踰時周歷時故前世輳少而後世輳多  
遂次于衡

雍潘黨曰君盍築武軍注築軍營以章武功音義

雍於

用反盍  
戶臘反而收晉尸以為京觀注積尸封土其上謂之

京觀音義

觀古亂反注  
及下京觀同

臣聞克敵必示子孫以無忘

武功楚子曰非爾所知也夫文止戈為武注文子武

王克商作頌曰載戢干戈載橐弓矢注戢藏也橐韜

也詩美武王能誅滅暴亂而息兵音義

戢側立反橐  
古刀反韜他



反刀 我求懿德肆于時夏允王保之注肆遂也夏大也

言武王既息兵又能求美德故遂大而信王保天下

音義

夏戶雅

疏

正義曰昔武王克商周公為之作頌曰武王誅紂之後則戒藏其干戈則

橐韜其弓矢言既誅暴亂則無復所用故韜藏之懿美也肆遂也時是也夏大也允信也武王以天下既定又能求美德之士而任用之故於是功業遂大信哉唯我武王保之美武王能保天下也注正義曰戰訓為斂聚斂藏之義故為藏也橐一名韜盛弓矢之衣也干戈弓矢藏而不復用是美武王能誅滅暴亂而息兵也此所引者周頌時邁之篇也詩序云頌者以其成功告於神明則頌詩功成乃作此傳言武王克商作頌者武王克商後世追為作頌頌其克商之功非克商即作也國語引此云周文公之頌曰則此

周公所作也傳言克商作頌者包下三篇皆述武王之  
事肆之為遂相傳為此訓也夏大釋詁文求美德  
謂求而任用之遂大者功業遂大也又作武其卒章曰者定爾功注武

頌篇名著致也言武王誅紂致定其功音義

者音旨注同

疏

正義曰既作時邁又作武篇也頌皆一章言其卒章者謂終章之句也言武王誅紂致定爾武之大

功也其三曰鋪時繹思我徂維求定注其三三篇鋪布

也繹陳也時是也思辭也頌美武王能布政陳教使

天下歸往求安定音義

鋪普吳反徐音敷繹音亦

疏

正義曰其三

也鋪布也繹陳也徂往也言武王能布陳政教故其時之民歸武王者皆云我徂惟自求安定美武王能

安民故民歸之也注正義曰鋪是布散之義故為布也釋陳釋詁文思是語之辭不為義也

其六

曰綏萬邦屢豐年注其六六篇綏安也屢數也言武

王既安天下數致豐年此三六之數與今詩頌篇次

不同蓋楚樂歌之次第音義

屢力注反注同數所角反

疏

正義曰其六周

頌桓之篇也綏安也屢數也言武王伐紂安天下萬國數有豐熟之年美武王能和衆國豐民財也注正義曰綏安釋詁文屢數常訓也杜以其三其六與今詩頌篇次不同故為楚辭蓋楚樂歌之第言楚之樂人歌周頌者別為次第故齊第三桓第六也劉炫以為其三其六者是楚子第三引鋪時釋思第六引綏萬邦今刪定知非者此傳若是舊文及傳家叙事容可言楚子第三引鋪時釋思第六引綏萬邦此既引

楚子之言明知先有三六之語故楚子引之得云其三其六若楚子始第三引詩第六引詩豈得自言其三曰其六曰劉以其三其六為楚子引詩次第以規杜過何辟之甚沈氏難云襄二十九年季札觀樂篇次不同杜云仲尼未刪定此亦不同而云楚樂歌之次者襄二十九年雖少有篇次不同大畧不甚乖越故云仲尼未刪定以前此之三六全與詩次不同故云楚樂歌之第今頌篇次桓第八春第九也

夫

**武禁暴戢兵保大定功安民和衆豐財者也注此武**

**七德疏**

正義曰楚子既引四篇乃陳七德則四篇之內有此七者之義戢干戈索弓矢禁暴戢兵

也時夏保之保大也者定爾功定功也我徂求定安民也綏萬邦和衆也屢豐年豐財也我徂求定是能安民故往求定也綏萬國故使子孫無忘其章注著由德能和衆故萬國安也

之篇章使子孫不忘疏

正義曰杜以不忘其章謂子孫不忘上四篇之詩故云著

之篇章使子孫不忘必知然者以文承武王克商作頌之後文連四篇詩義故以為著之篇章劉焯云能有七德故子孫不忘章明功業橫取下文京觀為無忘其章明武功以規杜過非也

今我使二

國暴骨暴矣觀兵以威諸侯兵不戢矣暴而不戢安

能保大猶有晉在焉得定功所違民欲猶多民何安

焉無德而強爭諸侯何以和衆利人之幾注幾危也

音義

恭骨滿卜反本或作曝焉得於虔反強其丈反

而安人之亂以為已榮

何以豐財注兵動則年荒武有七德我無一焉何以

示子孫其為先君宮告成事而已注祀先君告戰勝

**疏**

正義曰禮記曾子問稱古者師行必以遷廟主行載於齊車言必有尊也尚書甘誓云用命賞于祖

謂遷廟之祖主也為先君宮為此遷主作宮於此祀之告成事告戰勝也禮記大傳云牧之野武王之大事也既事而奠於牧室亦是新作室而奠祭也曾子問又曰無遷主則何主孔子曰天子諸侯將出必以幣帛皮圭告於祖禰遂奉以出載於齊車以行每舍奠焉而後就舍

明王伐不敬取其鯨鮪而封之以為大戮於是乎有

京觀以懲淫慝注鯨鮪大魚名以喻不義之人吞食

**小國音義**

鯨其京反鮪五兮反  
懋直升反慝他得反

**疏**

正義曰裴淵廣州記云鯨鮪長百尺

雄曰鯨雌曰鯢目即明月珠也故死即不見眼睛也  
周處風土記云鯨鯢海中大魚也俗說出入穴即為

潮水今罪無所注晉罪無所犯也而民皆盡忠以死君

命又何以為京觀乎祀于河作先君宮告成事而還

注傳言楚莊有禮所以遂興是役也鄭石制實入楚

師將以分鄭而立公子魚臣疏

正義曰入楚師言入此楚師於鄭國服虔

云入楚師使楚師來入鄭是也此石制引楚師入鄭將以分鄭國以辛與楚取辛立公子魚臣為鄭君已

欲擅其寵也

辛未鄭殺僕叔及子服注僕叔魚臣也子服

石制也君子曰史佚所謂毋怙亂者謂是類也注言

恃人之亂以要利音義

佚音逸母音無怙音戶要一遙反

詩曰亂離

瘼矣爰其適歸注詩小雅離憂也瘼病也爰於也言

禍亂憂病於何所歸乎歎之音義

瘼音莫

疏

正義曰詩小雅四月

之篇也離憂瘼病爰於皆釋詁文言時世禍亂必有憂病者於何其所適歸乎歎此禍亂不知將何所歸

也歸於怙亂者也夫注恃亂則禍歸之音義

夫音扶

○

鄭伯許男如楚注為十四年晉伐鄭傳○秋晉師歸

桓子請死疏

正義曰攢弓云謀人之軍師敗則死之謀人之邦邑危則亡之今桓子將軍師

敗故請死

晉侯欲許之士貞子諫曰不可注貞子士渥濁



音義

渚於  
角反

城濮之役晉師三日穀注在僖二十八年

音義

濮音  
卜

文公猶有憂色左右曰有喜而憂如有憂

而喜乎注言憂喜失時公曰得臣猶在憂未歇也注

歇盡也音義

歇許  
竭反

困獸猶鬪况國相乎及楚殺子玉

注子玉得臣音義

相息亮反  
下能相同

公喜而後可知也注喜

見於顏色音義

見賢  
通反

曰莫余毒也已晉再克而楚

再敗也楚是以再世不競注成王至穆王音義

競其  
敬反

今天或者大警晉也注警戒也而又殺林父以重楚

勝其無乃久不競乎林父之事君也進思盡忠退思

補過疏

正義曰孝經有此二句孔安國云進見於君則必竭其忠貞之節以圖國事直道正辭有

犯無隱退還所職思其事宜獻可替否以補主過此孔意進謂見君退謂還私職也或當以此二句據臣心為文文既據臣君在其上施之於君則稱進內省其身則稱退盡忠者盡已之心以進獻於君補過者內修已心以補君愆失故以盡忠為社稷之衛也若進補過為退耳非謂進見與退還也

之何殺之夫其敗也如日月之食焉何損於明晉侯

使復其位注言晉景所以不失霸音義

重直用反

○冬楚

子伐蕭宋華椒以蔡人救蕭蕭人囚熊相宜僚及公

子丙王曰勿殺吾退蕭人殺之王怒遂圍蕭蕭潰疏

正義曰實未潰史以實王之意故言潰知者下云明日蕭潰是也

申公巫臣曰師人

多寒王廵三軍拊而勉之注拊撫慰勉之音義

僚子形反

潰戶內反拊芳甫反

三軍之士皆如挾纊注纊綿也言說以忘

寒音義

挾戶牒反纊音曠說音悅

疏正義曰玉藻云纊為繭緇為袍鄭玄云纊新絲也

遂

傅於蕭還無社與司馬卯言號申叔展注還無社蕭

大夫司馬卯申叔展皆楚大夫也無社素識叔展故

因卯呼之音義

傅音附還音旋卯馬鮑反號除戶到反一音戶刀反呼也

叔展曰

有麥麴乎曰無有山鞠窮乎曰無注麥麴鞠窮所以

禦濕欲使無社逃泥水中無社不解故曰無軍中不

敢正言故謬語音義

麴去六反鞠起弓反禦魚

疏

正義

曰麥麴鞠窮所以禦濕賈逵有此言則相傳為此說也尚書說命云若作酒醱爾惟麴藥則麥麴作酒之物本草有芎窮者是藥草之名觀傳文勢欲使無社逃於泥水中而問有此物以否知是禦濕所用但不知若為用之耳

河魚腹疾奈何注叔展言無禦濕藥將病曰

目於智井而拯之注無社意解欲入井故使叔展視

虛廢井而求拯已出溺為拯音義

智烏丸反智井廢井也字林云井無

水也一皮反拯救之拯注同疏正義曰上句是叔展之言曰下是無社對語無社頻答言無叔展乃

言必須入井故以水厄告之云如似河中之魚久在水內則生腹疾無此二物其奈濕何無社乃解其意

告叔展云當日視晉井而拯出之出溺為拯方言文若為茅經哭井則已注叔

展又欲結茅以表井須哭乃應以為信音義經直結反巳音

紀舊音以應疏正義曰此亦叔展之言也無社既解應對之應其意令展視井拯已但廢井必多不

可知處故教無社令結茅為經置於井上又恐無社錯應他人更教之云若號哭向井則是我之已身已

謂也展叔自明日蕭潰申叔視其井則茅經存焉號而出

之注號哭也傳言蕭人無守心音義號戶刀反注同守手又反○

晉原穀宋華椒衛孔達曹人同盟于清丘注原穀先

穀疏

正義曰杜譜以為雜人則不知誰之子也案傳先軫或稱原軫此蓋先軫之後也傳有名號之

異杜譜皆並言之先穀之下不言原穀是杜脫也上文稱其薨子服虔以為食采於薨今復稱原原其上世所食也於時趙氏有原同蓋分原邑而共食之也曰恤病討貳於是卿不書

不實其言也注宋伐陳衛救之不討貳也楚伐宋晉

不救不恤病也宋為盟故伐陳注陳貳於楚故音義

為于衛人救之孔達曰先君有約言焉若大國討我

偽反則死之注衛成公與陳共公有舊好故孔達欲背盟

救陳而以死謝晉為十四年衛殺孔達傳音義

約於  
妙反

又如字共公音恭好呼報  
反背音佩十四年經注同

春秋左傳注疏卷二十三

春秋左氏傳注疏卷二十三考證

傳卜臨于大宮注大宮鄭祖廟○

臣名南

按大宮即太

廟鄭自桓公始封則桓公廟也襄二十五年傳齊盟  
國人于大宮注太宮廟亦始封之君也又按傳云鄭  
祖厲王則當時僭禮諸侯亦祖天子所謂周廟者厲  
王廟也昭十八年子產使祝史徙主祔於周廟注曰  
厲王廟是也

傳徼福於厲宣桓武注周厲王宣王鄭之所自出也○



臣召南

按鄭桓公厲王之子宣王始封於鄭以宣為鄭所自出注稍未檢當云厲王鄭之所自出宣王鄭之所自封也

傳使改事君夷於九縣音義○監本顛倒訛謬今俱改正

傳荀林父將中軍注代卻缺○

臣浩

按趙盾卒後卻缺

為政見八年傳十一年傳稱卻成子求成于眾狄眾狄皆服于晉則林父之代卻缺即在本年故伍參曰

晉之從政者新未能行令也

傳郤克佐之注郤缺之子○監本訛作郤克之子今改

正

傳洵曰於鑠王師遵養時晦疏洵詩經無洵字序云言

能洵先祖之道以養天下故以洵為名焉○

臣名南

按文義應作詩經無洵字序云言能酌先祖之道以  
養天下故以酌為名

傳知莊子曰此師殆哉下○監本有疏莊子見菟子逆

命一段按其文義宜在雖免而歸必有天咎注下又有師坎為水至故名為臨一段按其文義宜在周易有之在師之臨注下今俱改正

傳沈尹將中軍○

臣照

按楚官莫尊於令尹或疑沈尹

將中軍則令尹孫叔敖何所將乎沈尹當作孫尹竊謂其時楚王在軍則中軍楚王所自將也王自將無與左軍右軍旗鼓一例之理則以沈尹為之將猶後世丞相府以長史主文書丞相不與六卿敵也孫叔

教楚相當運籌帷幄之中亦不得將中軍故沈尹實將之

傳晉師在教郟之間注教郟二山在滎陽縣西北○臣

召南

按後漢書郡國志河南尹滎陽有教亭注周宣

王狩於教左傳晉師在教郟之間秦立為教倉

傳歲之曰民生在勤○王應麟曰生如生於憂患之生

故公父文伯之母曰民勞則思思則善心生

傳代御執轡御下兩馬掉鞅而還○臣召南按周禮環

人注引春秋傳作柄馬

又音義徐云或作柄○疑當云或作柄偏傍從手不從木

傳使輓車迎之疏廣車橫陳之車○陳監本訛作車今改正

傳晉師右移上軍未動○趙汭補注曰據傳上軍雖未動下言殿其卒而退是亦未嘗出陳也

臣召南

按上

軍未動即上文所謂士季使鞏朔韓穿帥七覆於教

前故上軍不敗也

傳王見右廣將從之乘屈蕩戶之○臣浩按注戶訓為

止諸本多有作屈蕩尸之誤也今改正

傳宵濟亦終夜有聲○顧炎武日知錄曰杜注言其兵  
衆將不能用非也言其軍置無復部伍

傳晉原穀疏先軫或稱原軫此蓋先軫之後也○臣召

南按史記晉世家穀先軫子也以傳考之軫子先居  
且居且子先克文九年為箕鄭等所殺則此先穀當

是軫之孫或曾孫史記未可信也疏云蓋先軫之後  
可謂慎審矣

春秋左氏傳注疏卷二十三考證

謹按卷二十二第三頁後七行疏乃奠萊鄭四字  
刊本監本毛本訛作然後祭行四字據宋本改

正

第十頁前六行疏又注隱五年刊本又訛以今改  
第十五頁後二行注謀齊陳諸本陳訛也據宋本

改

第十八頁前七行疏今魯伐取之刊本伐訛仍今

改



金匱要略卷之四  
卷二十三第一頁前四行注二十一月刊本訛二

十二月今改

第六頁後七行傳楚君討鄭諸本君訛軍據宋本  
改

第八頁前五行疏為宿備也刊本備訛衛今改

第九頁前五行疏道車載旆刊本旆訛旆今改

第十八頁前二行疏十五乘為偏諸本乘訛卒據

宋本改

第二十九頁後七行疏別為次第刊本為訛無今  
改

第三十一頁前一行注祀先君刊本祀訛禮今改



欽定四庫全書

覆校官檢討臣季學錦

校對官修撰臣張書勳

校對官編修臣張秉愚

謄錄監生臣張虎文

謄錄監生臣閻學澄

欽定四庫全書薈要

經部

左傳注疏卷二十四

五

詳校官原任侍講臣王燕緒



春秋左傳注疏卷二十四

起宣公十三年  
年盡十八年

晉杜氏注

唐陸德明音義

孔穎達疏

經子有三年春齊師伐莒

夏楚子伐宋

秋螽注無傳為災故書

冬晉殺其大夫先穀注書名以罪討

傳十三年春齊師伐莒莒恃晉而不事齊故也○夏

楚子伐宋以其救蕭也注救蕭在前年君子曰清丘

之盟唯宋可以免焉注宋討陳之貳今宋見伐晉衛

不顧盟以恤宋而經同貶宋大夫傳嫌華椒之罪累

及其國故曰唯宋可以免音義累者疏正義曰往年

卿亦既傳稱不實其言此年宋被楚伐而晉衛不救

即是不實之狀於此發傳言唯宋可以免者意在責

諸國耳嫌華椒之罪累及其國恐言宋亦有罪宜其

不救但盟之不信唯椒身合貶宋國無罪言唯宋可

以免見諸國○秋赤狄伐晉及清先穀召之也注邲

皆合者也戰不得志故召狄欲為變清一名清原○冬晉人討

邲之敗與清之師歸罪于先穀而殺之盡滅其族君

子曰惡之來也已則取之其先穀之謂乎注盡滅其

族謂誅已甚故曰惡之來也疏

正義曰先穀之罪不合滅族盡滅其族為

誅已甚亦是晉刑太過是為大惡君子既嫌晉刑大過又尤先穀自招故曰惡之來也已自取之惡之來也言大惡之事 ○清丘之盟晉以衛之救陳也討焉

來先穀之家 注尋清丘之盟以責衛使人弗去曰罪無所歸將加

而師孔達曰苟利社稷請以我說注欲自殺以說晉

音義

使所吏反我說如字又音悅以說音悅又如字

罪我之由我則為政而



亢大國之討將以誰任注亢禦也謂禦宋討陳也音

義

亢若浪反  
任音壬

我則死之為明年殺孔達傳

經十有四年春衛殺其大夫孔達注書名背盟于大國  
罪之

夏五月壬申曹伯壽卒注無傳文十四年盟新城

晉侯伐鄭

秋九月楚子圍宋

葬曹文公注無傳

冬公孫歸父會齊侯于穀

傳十四年春孔達縊而死衛人以說于晉而免注以

殺告故免于伐音義

縊一賜反

遂告于諸侯曰寡君有不

令之臣達構我敝邑于大國既伏其罪矣敢告注諸

殺大夫亦皆告衛人以為成勞復室其子注以有平

國之功故以女妻之音義

復扶又反妻七計反

疏

正義曰釋詁以平為成則

成亦平也男子謂妻為室故杜以為衛人以其父有  
平定國家之勞故以女妻之言衛侯以女妻之也劉  
炫以為傳文無衛侯之女為孔達之妻復室其子謂  
復以室家還其子謂達既被誅家當沒入官復以孔

達財物家室還其子今知非者案檢傳文上孔達云  
苟利社稷請以我說是孔達忠於衛國本實無罪所  
以告於諸侯祇欲虛以說晉衛人荷其功力何得沒  
其家資男子謂妻為室則室者對夫之言故傳云女  
有家男有室今若以孔達之妻而還其子便則以母  
還子不得云復室其子又諸國大夫之妻傳皆不載  
其氏姓何得獨責孔達之妻須言衛侯之女既言復  
室其子明孔達之妻非衛侯之女可知劉以孔達之  
妻為衛侯之女於傳無文以規杜過於義非也

使復其位注襲父祿位○夏

晉侯伐鄭為邲故也注晉敗於邲鄭遂屬楚音義

為子

偽告於諸侯蒐焉而還注蒐簡閱車馬音義

蒐所留反閱音

悅中行桓子之謀也曰示之以整使謀而來鄭人懼

使子張代子良于楚注十二年子良質于楚子張穆

公孫音義

行戶郎反質音致

鄭伯如楚謀晉故也鄭以子良

為有禮故召之注有讓國之禮○楚子使申舟聘于

齊曰無假道于宋注申舟無畏亦使公子馮聘于晉

不假道于鄭申舟以孟諸之役惡宋注文十年楚子

田孟諸無畏扶宋公僕音義

馮皮冰反惡鳥路反扶勅乙反

曰鄭昭

宋聾注昭明也聾闇也音義

聾力疏工反正義曰人之視聽聰明唯在耳

目而已鄭昭言其目明則宋不明也宋聾言其耳闇則鄭不聞也耳目各舉一事而對以相反言宋不解

事必段  
我也

晉使不害我則必死王曰殺女我伐之見犀

而行注犀申舟子以子託王示必死音義

使所吏反  
使者同女

音汝見  
皆遍反

及宋宋人止之華元曰過我而不假道鄙我

也鄙我亡也注以我比其邊鄙是與亡國同音義

古遇

卧反又  
古禾反

殺其使者必伐我伐我亦亡也亡一也乃殺

之楚子聞之投袂而起注投振也袂袖也音義

袂面  
世反

袖徐  
又反屨及于室皇注室皇寢門闕音義

屨九具反  
室直結反

疏

正義曰下云劔及於寢門之外則屨之所及未至於  
外故以室皇為寢門之闕謂至門遂及也莊十九年

鬻麥葬於經皇注云經皇家前闕者亦以此而知也  
經傳通謂兩觀為闕唯指雉門高大為縣舊章而使  
民觀之故雉門之觀特得闕名名為闕者以其在門  
兩旁而中央闕然為道雖則小門亦如此耳故杜於  
寢門冢門皆以闕言之此作室彼作經字異音同  
未知孰是其名為室皇及市名蒲胥其義皆未聞

劍

及于寢門之外車及于蒲胥之市秋九月楚子圍宋

○冬公孫歸父會齊侯于穀見晏桓子與之言魯樂

疏

正義曰樂謂  
樂居高位也

桓子告高宣子注桓子晏嬰父宣子

高固音義

樂音  
洛

曰子家其亡乎懷于魯矣注子家歸

父字懷思也懷必貪貪必謀人人亦謀已一國

謀之何以不亡注為十八年歸父奔齊傳疏

正義曰懷思也

謂思高位於魯也既思高位必貪貪必計謀他人既謀去他人他人亦謀去已一國之人謀去之何以不

至亡也

○孟獻子言于公曰臣聞小國之免于大國也

聘而獻物注物玉帛皮幣也疏

正義曰聘禮賓執圭以致命享用束帛加

璧夫人聘用璋享用圭纁束帛加琮其享幣又有皮馬是聘所獻物有玉帛皮幣也

於是**有庭**

**實旅百注主人亦設籩豆百品實於庭以答賓疏**

正義

曰聘禮君使卿韋弁服歸饗餼五牢有司入陳鼎豆籩餹醢醢百饗米百筥黍稷稻粱皆設於中庭是主人設籩豆百品實於庭以答賓也劉炫謂治國有功土饒云云炫以杜注莊二十二年庭實旅百奉之以

玉帛諸侯朝王陳幣帛之象則朝聘朝而獻功注獻陳幣亦實百品於庭非獨主人也

其治國若征伐之功於牧伯於是有容貌采章嘉淑而有加貨注容貌威儀容顏也采章車服文章也嘉淑令辭稱讚也加貨命宥幣帛也言往共則來報亦

備疏

正義曰杜謂於是者皆主人之事故以容貌有威儀容顏當謂善為威儀容顏以接賓也采

章車服文章謂主人陳設物采文章以接賓周禮車逆之類也嘉淑皆訓為善容貌文章以外別言善善故以為令辭稱讚謂接賓之時善言辭善稱讚也加貨謂好貨加增於幣若僖二十九年介葛盧來朝禮之加燕好成十三年孟獻子為介王重賄之類故以加貨為命宥幣帛也劉炫云案此勸君行聘唯當



論聘之義深不宜言主之禮備宜慮楚不禮而言此也君之威儀無時可舍豈待朝聘賓至乃始審威儀正顏色無賓客則驕容儀容儀非報賓之物何言報禮備又獻其治國劉炫云傳稱朝以正班爵之儀率長幼之序則不名獻功成二年王禮鞏伯如侯伯克敵使大夫告慶之禮則侯伯克敵祇合使大夫告王征伐之功何故親朝獻牧伯禮小朝大小國不合專征復有何功可獻炫謂采章加貨則聘享獻國所有玄纁璣組羽毛齒革皆充衣服旌旗之飾可以為容貌物采文章嘉淑謂美善之物加貨言賄賂之多皆賓所獻亦庭實也於聘總言庭實於朝指其所有詳於君畧於臣也案莊二十二年傳庭實旅百則朝有庭實又成二年傳云侯伯克敵使大夫告慶之禮據此文則聘賓有庭實又庭實旅百與容貌采章相對杜何知庭實容貌之等非是賓之所有必為主人之物又君無獻征伐之功何以知獻功於牧伯今知劉

說非者僖二十二年楚子入享于鄭庭實旅百加籩  
豆六品又昭五年燕有好貨殮有陪鼎僖二十九年  
葛盧來朝禮之加燕好此傳云嘉淑而有加貨故知  
加貨庭實之等皆是主人待賓之物禮傳賓之於主  
無加貨之文故杜為此解襄八年鄭伯親獻蔡捷于  
邢丘是獻征伐之功於牧伯也劉苟連杜義以為庭  
實旅百及容貌采章嘉淑加貨之等竝為賓物又以  
諸侯親朝無獻征伐之功以規杜氏違經背傳於義  
也非謀其不免也誅而薦賄則無及也注薦進也見責

而往則不足解罪音義

賄呼罪反

今楚在宋君其圖之公

說注為明年歸父會楚子傳音義

說音悅

疏

正義曰臣聞小國之

免罪於大國也使卿往聘大國而獻其玉帛皮幣之  
物於是主人亦禮待之庭前所實籩豆醢醢有百品

也君自親朝於牧伯之國而獻其治國之功若征伐之功於是主人敬以待之主人之身有威儀容貌車服之飾有物采文章嘉淑皆善也有善言辭善稱讚然而送賓有加增明貨言賓往既共則主報亦厚禮使小國如此朝聘大國者謀其不免於罪也若不往朝聘待其被誅責而始薦賄貨則無及於好事矣今楚子在宋君其國之勸君使往聘也劉炫以為皆是賓事聘而獻物謂獻其國內之物於是所獻之物庭中實之有百品謂聘享之禮龜金竹箭之屬有百品也朝而獻功言治國有功故土饒物產於是玄纁璣組羽毛齒革乃得為容貌之物采文章嘉淑謂美善之物加貨謂賄賂之多多獻賄賂以謀其不免於罪也

經十有五年春公孫歸父會楚子于宋

夏五月宋人及楚人平注平者總言二國和故不書其

人疏

正義曰平者和也言其先不平而今始平小服大弱下強之意昭七年暨齊平燕與齊平也定十年

及齊平十一年及鄭平魯與平也諸言平者皆舉國言平總言二國和平之意故不書其人謂不書公卿也燕暨齊平不言人此言宋人楚人史異辭耳穀梁傳曰人者衆辭也平稱衆上下欲之也賈逵云稱人衆辭善其與衆同欲然則彼不稱人者豈唯國君欲平而在下者不欲乎乎傳載盟辭則此平有盟不書盟者釋例曰宋人及楚人平實盟書平從赴辭也

六月癸卯晉師滅赤狄潞氏以潞子嬰兒歸注潞赤狄

之別種潞氏國故稱氏子爵也林父稱師從告音義

音潞

路種章正義曰狄有赤狄白狄就其赤白之間各自勇反疏別有種類此路是國名赤狄之內別種一國

夷狄祖其雄豪者子孫則稱豪名為種若中國之始封君也謂之赤白其義未聞蓋其俗尚赤衣白衣也傳稱天子建德因生以賜姓胙之土而命之氏者即以國名為氏但華夏不須言夏國名不以氏配赤狄既須言狄單國不復成文故以氏配之潞氏甲氏臯落氏皆是也杜言氏國故稱氏雖指解此狄而中國亦然劉炫云狄稱種者周禮內宰上春生種種之種賤之同之草木故稱種林父尊卿當稱帥師今從將卑師衆之例直稱師者從告也

### 秦人伐晉注無傳

王札子殺召伯毛伯注稱殺者名兩下相殺之辭兩下

相殺則殺者有罪王札子王子札也蓋經文倒札字音

義

札側八反徐又側乙反  
名上照反倒丁老反

疏

正義曰殺梁傳曰不言其  
兩下相殺也言兩臣下自

相殺非君殺臣不得言其大夫也釋例曰大臣相殺死  
者無罪則兩稱名氏以示殺者之罪王札子殺召伯毛  
伯是也若死者有罪不稱殺者名氏晉殺其大夫陽處  
父是也傳稱此人為王子捷捷札一人而札在子上故  
疑經文倒札字也公羊傳曰王札子者何長庶之號也  
何休云天子之庶兄也左傳言札為王孫蘇所使非是  
尊貴不得為王之庶兄故譜  
以為雜人不知何王之子

秋螽注無傳音義

螽音  
終

仲孫蔑會齊高固于無婁注無傳無婁杞邑

初稅畝注公田之法十取其一今又履其餘畝復十收

其一故哀公曰二吾猶不足遂以為常故曰初音義始稅

銳反復疏正義曰公羊傳曰古者什一而藉古者曷為

扶又反疏什一而藉什一者天下之中正也多乎什一

大桀小桀寡乎什一大貉小貉什一者天下之中正也

什一行而頌聲作矣何休云多取於民比於桀蠻貉無

百官制度之費稅薄較梁傳亦云古什一而藉孟子云

夏后氏五十而貢殷人七十而助周人百畝而徹其實

皆什一也趙岐注云民耕五十畝者貢上五畝耕七十

畝者以七畝助公家耕百畝者徹取十畝以為賦雖異

名而多少同故云皆什一也書傳言十一者多矣故杜

言古者公田之法十取其一謂十畝內取一舊法既已

十畝取一矣今又履其餘畝更復十取其一乃是十取

其二故論語云哀公曰二吾猶不足謂十內稅二猶尚

不足則從此之後遂以十二為常故曰初言初稅十二自此始也諸書皆言十一而周禮載師云凡任地近郊十一遠郊二十而三甸稍縣都皆無過十二漆林之征二十而五者彼謂王畿之內所共多故賦稅重諸書所言十一皆謂畿外之國故鄭玄云十一而稅謂之徹徹通也為天下之通法言天下皆十一耳不言畿內亦十一也孟子又曰方里為井井九百畝其中為公田八家皆私百畝同養公田公事畢然後敢治私事漢書食貨志取彼意而為之文云井田方一里是為九夫八家共之各受私田百畝公田十畝是為八百八十畝餘二十畝為廬舍諸儒多用彼為義如彼所言則家別一百一十畝是為十外稅一也鄭玄詩箋云井稅一夫其田百畝則九而稅一其意異於漢書不以志為說也又孟子對滕文公云請野九一而助國中什一使自賦鄭玄周禮匠人注引孟子此言乃云是邦國亦異外內之法則鄭玄以為諸侯郊外郊內其法不同郊內十一使自賦



其一郊外九而助一是為二十而稅二故鄭玄又云諸侯謂之徹者通其率以十一為正言郊內郊外相通其率為十稅一也杜今直云十取其一則又異於鄭唯謂一夫百畝以十畝歸公今又履其餘畝稅之更十取一耳履畝穀梁傳文也趙岐不解夏五十殷七十之意蓋古者人多田少一夫唯得五十七十畝且五十而貢貢五畝七十而助助七畝好異如此鄭注考工記云周人畿內用夏之貢法邦國用殷之助法

**冬蟪生注** 螽子以冬生遇寒而死故不成 螽音義

螽悅全反

字林尹頡反劉敞云此蟪子也董仲舒云蝗子**疏**正義曰釋虫云草螽負蟪螽異方之語也釋虫又云螽蝮螽李廵云蝮螽一名螽蟪蝗子也郭璞云蝗子未有翅者劉敞以為此蟪有翅者非也如李郭之說是螽為螽子也上云秋螽秋而生子於地至冬其子復生遇寒而死故不成吳傳稱凡物不

為災不書此不為災而書之者傳云幸之也此年既饑若使稼早生更為民害則其困甚矣喜其冬生以為國家之幸故喜而書之公羊傳亦云稼生不書此何以書幸之也

饑注風雨不和五稼不豐疏

正義曰此年秋蝻知不為蝻而饑者春秋書蝻多矣

有蝻之年皆不書饑而此獨書饑知年飢不專為蝻故云風雨不和五稼不豐也

傳十五年春公孫歸父會楚子于宋注終前年傳○

宋人使樂嬰齊告急于晉晉侯欲救之伯宗曰不可

注伯宗晉大夫古人有言曰雖鞭之長不及馬腹注

言非所擊天方授楚未可與爭雖晉之彊能違天乎

諺曰高下在心注度時制宜音義

度待  
洛反

川澤納汙注

受汙濁山藪藏疾注山之有林藪毒害者居之音義

藪素

疏

正義曰周禮虞之官有大澤大藪小澤小藪  
爾雅十藪皆是大澤則藪是澤類鄭玄周禮

注云澤水所鍾也水希曰藪是藪者澤之小水之名  
也川澤山藪相配為文者川是流水澤是委水俱是  
水故總云納汙言其納汙濁也山有木藪有草毒螫  
之虫在草在木故俱云藏疾言其藏毒害也藪是澤  
類而杜云山之有林藪者藪雖澤類傳文與山相連  
藪是草木積聚之處近山近澤皆得稱藪上既有川  
澤之文下別云山藪之事此藪近山故杜云山之  
有林藪也劉炫以為澤旁之藪以規杜氏非也

瑾

瑜匿瑕注匿亦藏也雖美玉之質亦或居藏瑕穢音

義瑾其新反瑜羊疏正義曰瑾瑜王之美名聘義曰

未反匿女力反瑕正義曰瑾瑜王之美名聘義曰

玉之病也瑜其中間美者王之性善惡不相搆此云

匿瑕似以美匿惡故云匿亦藏也言玉質雖美亦瑕

藏其中不言瑜能搆蓋瑕也國君含垢注忍垢耻音義垢古口反

音天之道也注音侯耻不救宋故伯宗為說小惡不

損大德之喻音義為于君其待之注待楚衰乃止使

解揚如宋使無降楚曰晉師悉起將至矣鄭人囚而

獻諸楚楚子厚賂之使反其言注反言晉不救音義

解音登降

戶江反不許三而許之登諸樓車使呼宋人而告

之注樓車車上望槽音義魯音遂致其君命楚子將

殺之使與之言曰爾既許不殺而反之何故非我無

信女則棄之速即爾刑對曰臣聞之君能制命為義

臣能承命為信信載義而行之為利謀不失利以衛

社稷民之主也義無二信注欲為義者不行兩信音

義女音汝下注而女也同信無二命注欲行信者不受二命君

之賂臣不知命也受命以出有死無實注實廢隊也

音義實于隊直類反又可賂乎臣之許君以成命也注成

其君命死而成命臣之祿也寡君有信臣注已不廢  
命下臣獲考注考成也死又何求楚子舍之以歸○  
夏五月楚師將去宋注在宋積九月不能服宋故申  
犀稽首于王之馬前曰無畏知死而不敢廢王命王  
棄言馬王不能答注未服宋而去故曰棄言申叔時  
僕注僕御也曰築室反耕者宋必聽命從之注築室  
於宋分兵歸田示無去志王從其言宋人懼使華元  
夜入楚師登子反之牀起之曰寡君使元以病告注

兵法因其鄉人而用之必先知其守將左右謁者門者舍人之姓名因而利道之華元蓋用此術得以自

通音義

守手又反將子匠反道音導

曰敝邑易子而食析骸以爨

注爨炊也音義

析思歷反骸戶皆反本又作骨公羊傳作骸何休註云骸骨也爨七亂反

雖然城下之盟有以國斃不能從也注寧以國斃不

從城下盟音義

斃婢世反

去我三十里唯命是聽子反懼

與之盟而告王退三十里宋及楚平華元為質盟曰

我無爾詐爾無我虞注楚不詐宋宋不備楚盟不書

不告音義

賢音致

疏

正義曰服虔云與華元私盟許為退師若孟任割臂與魯莊公盟下

云盟曰是兩國平後共盟而楚人為此辭耳非此華元子反私盟之辭也

○潞子嬰兒之

夫人晉景公之姊也鄆舒為政而殺之又傷潞子之

目注鄆舒潞相音義

鄆芳忠反相息亮反

晉侯將伐之諸大夫

皆曰不可鄆舒有三雋才注雋絕異也言有才藝勝

人者三音義

雋音俊

疏

正義曰辨名記云倍人曰茂十人曰選倍選曰雋千人曰英倍

英曰賢萬人曰桀倍桀曰聖是雋為絕異之稱也有三雋才知其有才藝勝人者三事耳不知三者何事

也 不如待後之人伯宗曰必伐之狄有五罪雋才雖



多何補焉不祀一也者酒二也棄仲章而奪黎氏地

三也注仲章潞賢人也黎氏黎侯國上黨壺關縣有

黎亭音義

者市志反黎禮兮及國名

虐我伯姬四也傷其君目五

也疏

正義曰此五者從輕至重祀雖為大罪廢祀未是害物故先言之者酒則廢亂政事有害於民

故次之棄賢人而侵鄰國其害已大又次之殺夫人傷君目罪之大者故後言之棄仲章而奪黎氏地是為二事而并數為一者俱是為政之惡故并數之奪黎氏地已盡奪之使黎侯失位故下云立黎侯而還更復其國也 怙其雋才而不以茂德茲益罪也後之人或

者將敬奉德義以事神人而申固其命注審其政令

若之何待之不討有罪曰將待後後有辭而討焉毋

乃不可乎夫恃才與衆亡之道也商紂由之故滅注

由用也疏

正義曰史記殷本紀云紂賢辯捷疾聞見甚敏材力過人手格猛獸知足以拒諫飾

是非之端矜人臣以能高天下以聲以為皆出已之下武王伐滅之是由恃才高故滅也天反時

為災注寒暑易節地反物為妖注羣物失性民反德

為亂亂則妖災生疏

正義曰據其害物謂之災言其怪異謂之妖時由天物在地故

屬災於天屬妖於地其實民有亂德感動天地天地為之見變妖災因民而生天地共為之耳非獨天為災而地為妖民謂人也感動天地皆是人君感之非庶民也昭七年傳曰國無政不用善則自取譴於日

月之災言以政取譎是其由君不由民以民表人故釋例引此即改民為人是其民謂人也傳言天災地妖民亂歷序以尊卑為次更言亂則妖災生明妖災由民起妖災亦通言耳天雖四時氣唯寒暑故杜以反時為寒暑易節物則其數無窮故總云羣物失性反其常性即是妖也釋例曰物者雜而言之則昆蟲草木之類也大而言之則歲時日月星辰之謂也歲者水旱饑饉也時者寒暑風雨雷電雪霜也日月者薄食夜明也星辰者斗室實錯失其次也山崩地震者陽伏而不能出陰迫而不能升也凡天反其時地反其物以害其物性皆為妖災是言妖災皆通天地共為之也此傳地反物者唯言妖耳洪範五行傳則有妖孽禍疢青祥六者之名以積漸為義漢書五行志說此六名云凡草木之類謂之妖妖猶天胎言尚微也蟲豸之類謂之孽孽則牙孽矣及六畜謂之禍言其著也及人謂之疢疢病類言浸深也甚則異物

生謂之青自外來謂之祥是六名以漸為稱唯青祥有外內之異耳大旨皆是妖也故文反正

為乏注文字疏

正義曰許慎說文序云蒼頡之初作書蓋依類象形謂文其後形聲相益

謂之字文者物象之本字者孽乳而生是文謂之字也制字之體文反正為乏服虔云言人反正者皆乏絕之道也人反德則妖災生妖災生則國亡滅是乏絕之道也盡在狄矣疏正義曰

狄矣則狄皆有之其反德為亂則五罪是也天地災妖傳不指斥不知於時潞國有何災何妖也晉

侯從之六月癸卯晉荀林父敗赤狄于曲梁辛亥滅

潞注曲梁今廣平曲梁縣也書癸卯從赴鄆舒奔衛

衛人歸諸晉晉人殺之○王孫蘇與召氏毛氏爭政

注三人皆王卿士使王子捷殺召戴公及毛伯衛注

王子捷即王札子卒立召襄注襄召戴公之子疏正義

曰卒終也謂後終立之非此時即立毛氏後亦不滅但傳不言之耳○秋七月秦桓公

伐晉次于輔氏注晉地壬午晉侯治兵于稷以畧狄

土注畧取也稷晉地河東聞喜縣西有稷山壬午七

月二十九日晉時新破狄土地未安權秦師之弱故

別遣魏顆距秦而東行定狄也音義顆苦果反立黎侯而

還注狄奪其地故晉復立之音義復扶反及雒魏顆敗

秦師于輔氏注晉侯還及雒也雒晉地音義  
洛音獲

杜回秦之力人也初魏武子有嬖妾無子武子疾命

顛曰必嫁是注武子魏犇顛之父音義  
嬖必計反疾病則

曰必以為殉及卒顛嫁之曰疾病則亂吾從其治也

及輔氏之役顛見老人結草以亢杜回注亢禦也音

義殉似俊反本或作必以殉治直吏反下治命同亢苦浪反杜回躓而顛故獲之

夜夢之曰余而所嫁婦人之父也注而汝也音義  
陟躓

吏反徐又丁四反爾用先人之治命余是以報注傳舉此以

示教○晉侯賞桓子狄臣千室注千家亦賞士伯以

瓜衍之縣注士伯士貞子音義

瓜古華反行以善反

曰吾獲狄

土子之功也微子吾喪伯氏矣注伯桓子字邲之敗

晉侯將殺林父士伯諫而止音義

喪息浪反

羊舌職說是

賞也注職叔向父音義

說音悅向香文反

曰周書所謂庸庸

祗祗者謂此物也夫注周書康誥庸用也祗敬也物

事也言文王能用可用敬可敬音義

夫音扶

士伯庸中

行伯注言中行伯可用君信之亦庸士伯此之謂明

德矣文王所以造周不是過也故詩曰陳錫載周能

施也注錫賜也詩大雅言文王布陳大利以賜天下

故能載行周道福流子孫音義

施式  
政反

率是道也其何

不濟○晉侯使趙同獻狄俘于周不敬劉康公曰不

及十年原叔必有大咎注劉康公王季子也原叔趙

同也音義

俘芳夫反不敬  
一本作而傲

天奪之魄矣注心之精與

是謂魂魄為成八年晉殺趙同傳音義

魄普  
白反

疏正義

之精真是謂魂魄魄去之  
何以能久胎二十五年傳文

○初稅畝非禮也穀出



不過藉注周法民耕百畝公田十畝借民力而治之

稅不過此以豐財也疏

正義曰藉者借也民之田穀出共公者不過取所借之田

欲以豐民之財故不多稅也既譏其稅畝言非禮乃舉正禮言殺出不過藉則知所稅畝者是藉外更稅故杜氏為十一外更十取一且以哀公之言驗之知十二而稅自此始也

○冬螽生饑幸

之也注螽未為災而書之者幸其冬生不為物害時

歲雖饑猶喜而書之疏

正義曰幸之者為幸螽冬生不幸饑也而傳以饑連螽生

乃云幸之者以歲饑而復有災則民彌益其困由饑之故乃以為幸故傳連饑釋之

經十有六年春王正月晉人滅赤狄甲氏及留吁注甲

氏留吁赤狄別種晉既滅潞氏今又并盡其餘黨士會

稱人從告音義

吁況于反種章勇反并必政反一音如字

夏成周宣榭火注傳例曰人大之也成周洛陽宣榭講

武屋別在洛陽者爾雅曰無室曰榭謂屋歇前音義

榭本

又作謝

疏

正義曰楚語云先王之為臺榭也榭不過講軍實臺不過望氣祥知榭是講武屋也名之音同

曰宣則其義未聞服虔云宣揚威武之處義或當然也成周周之下都此榭別在洛陽講習武事則往就之爾雅釋宮云無室曰榭又云闡謂之臺有木者謂之榭李廵曰臺積土為之所以觀望臺上有屋謂之榭則榭是臺上之屋居臺而臨觀講武故無室而歇前歇前者無壁也如今廳是也公羊以為宣宮之榭謂宣王之廟也

以其中與其廟不  
毀與左氏異也

秋鄭伯姬來歸音義

鄭音  
誅

冬大有年注無傳

傳十六年春晉士會帥師滅赤狄甲氏及留吁鐸辰

注鐸辰不書留吁之屬音義

鐸待  
洛反

三月獻狄俘注獻

于王也晉侯請于王戊申以黻冕命士會將中軍且

爲大傅注代林父將中軍且加以大傅之官黻冕命

卿之服大傅孤卿音義

黻音弗將子匠  
反大音恭注同

疏

正義曰晉  
之中軍之

將執政之上卿也大傅又尊於上卿且加大傅以褒顯之禮命臣者皆賜之以服使服而受命傳言以蔽冕者蔽冕是命孤卿之服故以之命士會也論語稱禹惡衣服而致美乎黻冕鄭玄云黻祭服之衣冕其冠也此云蔽冕亦當然也蔽蔽膝也祭服謂之蔽其他服謂之鞞俱以韋為之制同而色異鞞各從裳色蔽則其色皆赤尊卑以深淺為異天子純朱諸侯黃朱大夫赤而已大夫以上冕服悉皆有蔽故禹言蔽冕此亦云蔽冕但冕服自有尊卑耳周禮司服孤之服自希冕而下此士會蔽冕當是希冕也天子大傅三公之官也諸侯大傅孤卿之官也周禮典命云公之孤四命鄭衆云九命上公得置孤卿一人春秋時晉為霸主侯亦置孤卿文六年有大傅陽子大師賈佗則晉嘗置二孤

於是晉國之盜

逃奔于秦羊舌職曰吾聞之禹稱善人注稱舉也不

善人遠此之謂也夫詩曰戰戰兢兢如臨深淵如履

薄冰善人在上也注言善人居位則無不戒懼音義

遠于萬反夫音扶兢居陵反本亦作矜

善人在上則國無幸民諺曰民

之多幸國之不幸也是無善人之謂也音義

訪音彥

○

夏成周宣榭火人火之也凡火人火曰火天火曰災

疏

正義曰人大從人而起人失火而為害本其火之所來故指火體而謂之為大天火則自然而起不

能本其大體故以其所害言之謂之為災聖人重天變故異其名春秋天變多矣唯此言火耳

○秋

鄭伯姬來歸出也○為毛召之難故王室復亂注毛

名難在前年音義

為于偽反難乃且反注同復扶又反

王孫蘇奔晉

人復之注毛名之黨欲討蘇氏故出奔○冬晉侯使

士會平王室定王享之原襄公相禮注原襄公周大

夫相佐也音義

相息亮反注同

穀烝注烝升也升穀於俎音

義

穀戶交反烝之承反

疏

正義曰禮升穀於俎皆謂之烝故烝為升也鄭玄詩箋云凡非穀而食之

曰穀則穀是可食之名切肉為穀乃升於俎故謂之穀烝

武子私問其故注享當

體薦而穀烝故怪問之武士會諡季其字疏

正義曰若公侯

來朝王為設享則富有體薦薦其半體亦謂之房烝武子謂已被王享亦當房烝今乃穀烝故怪而問之

王聞之召武子曰季氏而弗聞乎王享有體薦注享

則半解其體而薦之所以示共儉疏

正義曰王為公侯設享則半解

其體而薦之為不食故不解折所以示共儉也示共儉與下示慈惠成十二年傳文

宴有折俎

注體解節折升之於俎物皆可食所以示慈惠也音

義

折之設反注同疏

正義曰王為公侯設宴禮體解節折升之於俎即般烝是也其物解折使皆可

食共食眾之所以示慈惠也其宴飲般烝其數無文若祭祀體解案特牲饋食禮有九體則肩一臂二肱

三肱四脰五正脊六橫脊七長脇八短脇九此謂士禮也若大夫禮則十一體加股脊代脅其諸侯天子

無文或同十一

公當享卿當宴王室之禮也注公謂諸侯疏

五等諸侯總名為公故云公謂諸侯言諸侯親來則為之設享又設燕也享用體薦燕用折俎若使卿來雖為設享仍用公之燕法亦用折俎是王室待賓之禮也周語說此甚詳王召士季曰子弗聞乎禘郊之事則有全烝王公立飫則有房烝親戚宴享則有殷烝今叔父使士季實來唯是先王之宴禮欲以貽爾體解節折而共飲食之於是乎有折俎以示容合好將安用全烝注國語者皆云禘祭宗廟郊祭天地則有全其牲體而升於俎謂之全烝王公立飫即享禮也禮之立成者名為既半解其體而升於俎謂之房烝傳言體薦即房烝也親戚宴享則宴享禮同皆體解節折乃升於俎謂之殷烝此傳畧而為文猶是彼意故注皆**武子歸而講求典禮以脩晉國之法**注傳取彼解之

言典禮之廢久



經十有七年春王正月庚子許男錫我卒注無傳再與

文同盟疏

正義曰錫我以文六年即位七年盟于扈十四年于新城魯許俱在是再同盟也

丁未蔡侯申卒注無傳未同盟而赴以名丁未二月四

日

夏葬許昭公注無傳

葬蔡文公注無傳

六月癸卯日有食之注無傳不書朔官失之

己未公會晉侯衛侯曹伯邾子同盟于斷道注斷道晉

地音義

斷直管反  
一音短

秋公至自會注無傳

冬十有一月壬午公弟叔胙卒注傳例曰同母弟音義

胙許  
乙反

傳十七年春晉侯使郤克徵會于齊注徵召也欲為

斷道會齊頃公帷婦人使觀之郤子登婦人笑于房

注跛而登階故笑之音義

頃音傾跛波可反

疏

正義曰沈氏引穀梁傳云

魯行父禿晉郤克跛衛孫良夫眇曹公子首偃故婦人笑之是以知郤克跛也穀梁傳定本作郤克眇衛

孫良夫跛

獻子怒出而誓曰所不此報無能涉河注不復

渡河而東音義

復扶又反

獻子先歸使樂京廬待命于齊

曰不得齊事無復命矣注樂京廬郤克之介使得齊

之罪乃復命音義

廬音廬又力於反

郤子至請伐齊晉侯弗

許請以其私屬又弗許注私屬家衆也為成二年戰

于鞏傳音義

鞏音安

齊侯使高固晏弱蔡朝南郭偃會

注晏弱桓子音義

朝如字

及斂孟高固逃歸注聞郤克

怒故音義

斂徐音廉一音力漸反孟音于

夏會于斷道討貳也盟于

卷楚注卷楚即斷道音義

卷音權一音居免反

辭齊人晉人執

晏弱于野王執蔡朝于原執南郭偃于溫注執三子

不書非卿野王縣今屬河內苗賁皇使見晏桓子注

賁皇楚鬪椒之子楚滅鬪氏而奔晉食邑于苗地晏

弱時在野王故因使而見之音義

賁扶云反使所歸吏反注及下同

言於晉侯曰夫晏子何罪昔者諸侯事吾先君皆如

不逮注言汲汲也音義

逮音代或大計反汲音急

舉言羣臣不信

諸侯皆有貳志注舉亦皆也齊君恐不得禮注不見

禮待故不出而使四子來左右或沮之注沮止也音

義

沮在呂反

曰君不出必執吾使故高子及斂孟而逃夫

三子者曰若絕君好寧歸死焉為是犯難而來吾若

善逆彼注彼齊三人音義

好呼報反為于偽反難乃但反

以懷來者

吾又執之以信齊沮吾不既過矣乎過而不改而又  
久之以成其悔何利之有焉使反者得辭注反者高

固謂得不當來之辭疏

正義曰使沮者之言信也晏桓子等懼晉之命不得已而

來恨齊侯之使也今晉不以禮待之而又久執之以  
成其悔恨言本恨齊今又恨晉齊侯見晉如此將有

背晉之心齊若叛晉何利之  
有言此者勸晉侯免之耳

而害來者以懼諸侯將

焉用之晉人緩之逸注緩不拘執使得逃去也傳言

晉不能修禮諸侯所以貳音義

馬於虔反  
拘九于反

○秋八月

晉師還○范武子將老注老致仕初受隨故曰隨武

子後更受范復為范武子音義

復扶  
又反

召文子曰燮乎

吾聞之喜怒以類者鮮注文子士會之子燮其名音

義

燮素協反  
鮮息淺反

易者實多注易遷怒也詩曰君子如怒

亂庶遄沮君子如祉亂庶遄已注詩小雅也遄速也

沮止也祉福也音義

通市專反  
祉音耻

君子之喜怒以已亂

也弗已者必益之郤子其或者欲已亂於齊乎不然

余懼其益之也余將老使郤子逞其志庶有豸乎注

豸解也欲使郤子從政快志以止亂音義

豸本又作  
犄直是反

或音居牛反非也解

疏

注豸解也正  
義曰方言文

爾從二三子唯

音贊此訓見方言

敬注二三子晉諸大夫乃請老郤獻子為政○冬公

弟叔肸卒公母弟也凡太子之母弟公在曰公子不

在曰弟注以兄為尊凡稱弟皆母弟也注此策書之

通例也庶弟不得稱公弟而母弟或稱公子若嘉好之事則仍舊史之文惟相殺害然後據例以示義所

以篤親親之恩崇友于之好釋例論之備矣音義

呼好

報疏

正義曰此例再言凡者前凡明稱母弟之文適反子及妾子之等後凡明策書稱弟者皆母弟之

義公之母弟見經者鄭段魯公子友衛叔武實母弟而不稱弟陳公子招昭元年稱公子八年稱弟釋例曰弟之寵異於衆弟蓋緣自然之情以養母氏之志公在雖俱稱公子其兄為君則特稱弟殊而異之親而睦之既以隆友于之恩亦以獎為人弟之敬成相親之益也通庶子為君故不言夫人之子而曰母弟母弟之見於經者二十而傳之所發六條而已凡稱弟皆母弟此策書之通例也庶弟不得稱弟而母弟



得稱公子故傳之所發隨而釋之諸稱弟者不言皆必稱弟也秦伯之弟鍼適晉女叔齊曰秦公子必歸此公子亦國之常言得兩通之證也仲尼因母弟之例據例以興義鄭伯懷害弟之心天王縱羣臣以殺其弟夫子探書其志故顯稱二兄以首惡佞夫稱弟不聞反謀也鄭段去弟身為謀首也然則兄而害弟稱弟以章兄罪弟又害兄則去弟以罪弟身也推此以觀其餘秦伯之弟鍼陳侯之弟黃衛侯之弟鱗出奔皆是兄害其弟也秦伯有千乘之國而不能容其母弟傳曰罪秦伯歸罪秦伯見鍼罪輕也陳侯不能制禦臣下使逐其弟傳曰非罪非黃之罪則罪在陳侯此互舉之文也至於陳招殺兄之子宋辰率羣御以背宗國披大邑以成叛逆然不推刀於其兄故以首惡稱弟稱名從而下相殺也統論其義兄弟二人交相殺害各有曲直存弟則示兄曲也鄭伯既云失教若依例存弟則嫌善段故持去弟兩見其義也若

夫朝聘盟會嘉好之事此乃兄弟之爲睦非義例之所與故仍舊史之策或稱弟或稱公子踐土之盟叔武不稱弟此其義也莒棼非卿非卿則不應書今嘉獲故特書特書猶不稱弟明諸書弟者皆卿也先儒說母弟善惡褒貶既多相錯涉又云稱弟皆謂公子不爲大夫者得以君爲尊案傳莒棼非卿乃法所不書書而不言弟非得以君爲尊也凡聘享嘉好之事於是使卿故夷仲年之聘皆以卿稱弟而行此例所謂凡稱弟皆母弟左傳明文而自違之穎氏又曰臣無竟外之交故去弟以貶季友子招樂憂故去弟以懲過鄭段去弟惟以名通故謂之貶今此二人皆稱公子公子者名號之美稱又非所貶也劉炫云再言凡者前凡據適妻子爲文後凡嫌妻子爲君母弟不得稱弟故更言凡也

經十有八年春晉侯衛世子臧伐齊音義

臧子郎反

公伐杞注無傳

夏四月

秋七月邾人戕郕子于郕注傳例曰自外曰戕邾大夫

就郕殺郕子音義

戕在良反徐又在精反郕才陵反

疏

正義曰杜以會盟之例卿則書

名氏大夫則稱人此稱邾人故云邾大夫耳賈逵亦云邾使大夫往殘賊之

甲戌楚子旅卒注未同盟而赴以名吳楚之葬僭而不

典故絕而不書同之夷蠻以懲求名之偽音義

僭子念反懲直

升反止也又作微如字明也

疏

正義曰諸侯之葬魯不會則不書知吳楚之葬為僭不書者襄二十九年

傳稱葬楚康王公親送葬經亦不書故知其不為魯不  
會也禮坊記曰天無二日土無二王示民有君臣之別  
春秋不稱楚越之王喪恐民之惑也鄭玄云楚越之君  
僭號稱王不稱其喪謂不書葬也公羊傳曰吳楚之君  
不書葬辟其號也辟其號者五等諸侯死則稱爵書卒  
及葬則從彼臣子之辭皆稱為公若書楚葬亦宜從彼  
所稱當云葬楚王以此僭而不與不得稱王故遂絕之  
而不書其葬同之蠻夷言其不足紀錄以懲創自求名  
號之偽同之蠻夷者蠻夷卒  
亦不書言其不書似之也

## 公孫歸父如晉

冬十月壬戌公薨于路寢

歸父還自晉至筮遂奔齊注大夫還不書春秋之常也

今書歸父還奔善其能以禮退不書族者非常所及今  
特書畧之笙魯竟外故不言出音義

笙音生徐又勅貞  
反一本又作極亦

作打案徐後音是  
依三傳文竟音境

傳十八年春晉侯衛太子臧伐齊至于陽穀齊侯會

晉侯盟于緇以公子疆為質于晉晉師還蔡朝南郭

偃逃歸注晉既與齊盟守者解緩故得逃音義

緇才  
陵反

質音致解  
佳買反

○夏公使如楚乞師欲以伐齊注公不事

齊齊與晉盟故懼而乞師于楚不書微者行○秋邾

人戕鄩子于鄩凡自虐其君曰弑自外曰戕注弑戕

皆殺也所以別內外之名弑者積微而起所以相測

量非一朝一夕之漸戕者卒暴之名音義

弑音試注同弑字從

式殺字從攴他皆放此別彼列反一朝如字卒寸忽反

**疏**

正義曰弑者試也言臣下伺候間隙試犯

其君戕者殘也言外人卒暴而來殘賊殺害也弑戕皆是殺也所以別內外之名耳釋例曰列國之君而

受害於臣子其所由者積微而起所以相測量非一朝一夕之漸故改殺為弑戕者卒暴之名有國之君

當重門設險而輕近禁容變起倉卒亦因事而見戒也臣弑其君子弑其父世之惡逆君子難言故春秋

謂自內虐其君者通以弑為文也春秋弑君多矣其戕唯此一事自弑其君足明無道臣罪之例戕者外

人所殺為無防被害皆是君自招之縱使君或無道其惡不加外國不得從弑君之例也若戰死則書滅此謂在國  
見殺耳

○楚莊王卒楚師不出既而用晉師注成

二年戰于鞏是楚于是乎有蜀之役注在成二年冬

蜀魯地泰山博縣西北有蜀亭○公孫歸父以襄仲

之立公也有寵注歸父襄仲子欲去三桓以張公室

注時三桓彊公室弱故欲去之以張大公室音義起去

呂反下注將去並同張如字一音陟亮反與公謀而聘于晉欲以晉人去

之冬公薨季文子言于朝曰使我殺適立庶以失大

援者仲也夫注適謂子惡齊外甥襄仲殺之而立宣

公南通於楚既不能固又不能堅事齊晉故云失大

援也音義

適丁歷反注同援  
子春反夫音扶

臧宣叔怒曰當其時不

能治也後之人何罪子欲去之許請去之注宣叔文

仲子武仲父許其名也時為司寇主行刑言子自以

歸父害已欲去者許請為子去之音義

請為子  
偽反

遂逐

東門氏注襄仲居東門故曰東門氏子家還及筮注

子家歸父字壇帷復命于介注除地為壇而張帷介



副也將去使介反命於君音義

壇音善 介音界

疏

正義曰聘禮復命之

禮云公南鄉使者執圭反命曰以君命聘于某君某

君受幣于某官某君再拜以享某君某君再拜若聘

君薨于外歸執圭復命于殯升自西階不升堂子即

位不哭辨復命如聘子臣皆哭與介入北鄉哭出祖

括髮入門右即位踊是君之存亡皆有復命之禮若

身在外奔不得親自復命故立介於位介當南面歸

父於介奇北面執圭復命既復命之後北面哭乃退

括髮訖前即位北面哭三踊而出以復命之語語介

使知令介以此

既復命袒括髮注以麻約髮音義

袒音

言告於殯也

但括古 活反 即位哭三踊而出注依在國喪禮設哭位公

薨故遂奔齊書曰歸父還自晉善之也



春秋左傳注疏卷二十四

春秋左氏傳注疏卷二十四考證

傳楚子使申舟聘于齊曰無假道于宋○趙汭曰楚子  
忿晉伐鄭欲伐宋而無名故不假道以起怨其聘于  
晉非為好也以怠晉之救宋而已

傳今楚在宋君其圖之公說下疏一段○監本訛刻于  
前孟獻子言于公曰段下今改正

初稅畝注公田之法十取其一○萬斯大學春秋隨筆  
曰孟子言助法曰其中為公田八家皆私百畝非謂

周之徹法如此也漢書食貨志直本此以言周制後  
儒因之若是則周人乃百畝而助矣何名為徹哉惟  
趙岐注孟子曰周人耕百畝者徹取十畝以為賦斯  
言得之矣按司馬法云畝百為夫夫三為屋屋三為  
井小司徒亦云九夫為井是周人井九百畝分之九  
夫每夫百畝以十畝為公田君取其入而不收餘畝  
之稅今宣公于公田之外更稅餘畝之十一故曰稅  
畝也書者譏重困農民且著十二之始也

傳諺曰高下在心○

臣照

按杜注謂度時制宜則與下

川澤納汙山藪藏疾瑾瑜匿瑕國君含垢等不一例  
蓋言物本無高下意為高則高意為下則下耳

傳我無爾詐爾無我虞○趙汭補注曰凡書平列不書

盟以平為重

臣名南

按左氏載曹劌無劫盟之事而

公羊言手劔而從左氏載華元類刺客之為而公羊  
言乘堙出見其不同如此

傳故文反正為乏○

臣名南

按許慎說文亦祇漢時篆

體不與古文符合故亥字二首六身漫無似處惟此  
傳反正為乏及止戈為武二文相沿未變也

傳及雒注雒晉地○

臣名南

按杜注於地理考校極精

此雒非河南伊雒之雒亦非河西涇雒之雒故直注  
曰晉地

傳穀出不過藉○

臣浩

按穀梁傳曰古者什一藉而不

稅初稅畝非正也知藉之義

傳冬蟧生饑幸之也○趙汭補注曰蟧未成蝻故不為

災杜注未失說者議之過矣本為一歲再生記異文  
偶與下饑相連傳通饑釋之以為幸之也注又以為  
喜而書之陋益甚矣

成周宣榭大注宣榭講武屋別在洛陽者○臣召南按

公羊謂是宣王之廟而左氏不言宣王若以詩證之  
則宣王嘗于東都講武車攻吉日是也意者講軍實  
于是榭故謂之宣榭歟

傳晉侯請于王○趙汭補注曰傳見列國之卿猶有請



命者

傳齊頃公帷婦人使觀之○

臣照

按穀梁謂婦人乃蕭

同叔子景公之母觀于郤克對齊使必以蕭同叔子  
為質乃退師似笑于房之婦即蕭同叔子但蕭同叔  
子景公之母郤克欲質其母以辱之顧亦不必蕭同  
叔子之果笑也必當時有此說穀梁信而著之左氏  
疑而闕之

邾人戕鄆子于鄆○

臣浩

按經書戕以著邾人之虐書

戕于鄩以著鄩人不救其君之罪

春秋左氏傳注疏卷二十四考證